



67510

項襄毅公實紀卷之三目錄

野史

吾學編大政名臣記

海鹽鄭曉

名臣言行錄因碑志傳狀

海鹽徐咸

名卿紀績

太倉王世貞

樵李往括列傳

秀水戚元佐

泳化類編

祁陽鄧球

皇明獻實

吳人袁袞

萬姓統譜

烏程凌迪知

項襄毅公實紀卷之三目錄

姓氏履略與泳化類編論小異並存

烏程凌迪知

今獻備遺因獻實

曾孫篤壽

可齋雜記

安福彭時

今言

海鹽鄭曉

西征石城記

鈞陽馬文升

鴻猷錄因西征石城記

京山高岱

雜俎兵謀篇

長洲劉鳳

贈言

平虜凱旋詩序

馬文升



平虜凱旋集句

宋有文

贈憲副項公赴廣東序

秀水呂原

壽項司馬蓋臣八十

秀水呂憲

項襄毅公實紀卷之三目錄

二

卅

項襄毅公實紀卷之三目錄終

項襄毅公實紀卷之三

玄孫德積

野史

吾學編大政記

海鹽鄭曉

嘉靖癸未進士
歷官刑部尚書

天順三年項忠為陝西按察使

天順六年九月

項忠為副都御史巡撫陝西

成化元年九月虜

寇榆林寧遠伯任壽都御史項忠禦却之成化

二年冬毛里孩寇陝西都御史項忠彰武伯楊信

項襄毅公實紀卷之三

禦却之

成化四年八月總兵都督同知劉玉總

督軍務副都御史項忠帥師討滿四十一月項

忠馬文升督兵進攻石城擒滿四檻送京師伏誅

進忠右都御史文升左副都御史成化七年春

正月襄陽賊反總督軍務右都御史項忠討平之

進忠左都御史巡撫尋召還成化十年秋七月

刑部尚書王槩卒項忠為刑部尚書成化十一

年白圭卒項忠為兵部尚書成化十三年五月

罷西廠六月御史戴縉王億請復西廠兵部尚

書項忠除名 成化十九年三月復項忠兵部尚書致仕 弘治十五年八月太子太保兵部尚書致仕項忠卒

吾學編名臣記

海鹽鄭曉

詳前

太子太保項襄毅公名忠字蓋臣嘉善人正統七年進士為刑部主事陞員外郎扈 駕北征 羈虜中飼馬走七晝夜達宣府得還陞廣東按察副使天順三年按察使陝西會陝饑不待奏

項襄毅公實紀卷之三

又一

三十一

報輒發倉賑全活萬人罹繼母艱陝人千餘赴闕乞留奪服還任徵為大理卿既行陝人復詣闕乞留改右副都御史留巡撫時洮岷番亂調兵撫捕降其衆成化元年虜入延綏塞公及寧遠伯任壽擊虜遂去明年又與彰武伯楊信破虜關中水泉鹵故有龍首渠久涸廢公開渠三十里涇陽鄭白渠亦久廢公募工疏鑿灌田七萬頃四年固原土達滿四叛不三月有衆二萬據石城遠近戒嚴守將寧遠伯任壽廣義伯吳

琮巡撫都御史陳价逮詔獄公總督軍務同馬
文升劉玉進討伏羌伯毛忠又戰死我軍遽退
公即陣斬千戶狗陣始定衆觀望援兵廷議
亦欲濟師公移兵據賊水草困賊兵部恐師老
賊乘我請詔問公公請勿濟師主議者惡公異
已扇浮言公益堅困賊相持百日賊稍來降公
隨二卒單騎抵賊寨曉禍福諸脅從賊日相率
降滿四率驍賊時時出劫營前後大小三百餘
戰賊慶將楊虎狸者夜遠汲被擒公罵虎狸黠

賊叱斫頭虎狸伏地乞宥死自效公即假辭色
諭順逆許立功不死又解金鉤束賜虎狸遣去
約為內應滿四竟為虎狸所誘擒凡斬首七千
六百俘獲二千六百因陳四事為經久計是時
兵事急訛言洶洶公督軍矢石兩下無愆色常
嘆曰奉命討賊久無功甘心效死馬公服公勇
毅徇國召還會京圻大水勅巡視順天河間永
平發廩賑濟更設法義勸得米十六萬五千石
銀布牛具數萬軍民全活者二十七萬人六年

大旱荆襄流民入山者百九十七萬餘人李鬚
子者劉千斤黨與小王洪倡流民為亂公出總
督軍務遣人持榜入山諭降即負險不服縱兵
勦不赦凡遣還鄉者百四十四萬餘人編戍者
萬餘人俘斬二千餘人上便宜十事詔暫留撫
治進左都御史會有星孛天田言官因論荆襄
妄殺公再疏自列言為國任怨乞歸不許八年
召還院荆襄以公搜斬故三十餘年賊不起十
年代王際為刑部尚書踰月改兵部代白圭尋
錦衣百戶韋瑛者挾汪直為詞察屢興大獄擅
執京朝官中外重足莫敢正言其非公發憤草
疏約吏部尚書尹旻及諸公卿發直瑛奸罪或
先漏言于直疏入幸

上明聖大怒罷廠還直司設監瑛坐戍邊直又見
上泣言此內臣黃賜陳祖生中傷奴賜祖生調南
京御史戴縉幸進迎

上意言直奉法無他直又得領廠直遂首誣公下
廷訊事本起於千戶吳綬綬在楚軍中撓法公

遂去附直用事搆公欲寘死地公廷辯慷慨不
少屈落職去久之諸奸次第敗復公兵部尚書
致仕初直用事諸大臣恥與往來已而一二大
臣首結直諸大臣因相引附直嗾言官排異已
者許自陳于是商文毅公首乞去都御史李賓
刑部尚書董方戶部尚書薛遠兵部侍郎程萬
里繼去翁世資代遠余子俊代公公家居二十
六年卒贈太子太保謚襄毅公明果倜儻練達
吏事悉體民隱曉暢軍務直言正色不屑詭隨

項襄毅公實紀卷之三

四

子經孫錫鈞皆舉進士經為江西參政錫為南
京光祿卿鈞為刑部主事仲子綬累功授錦衣
衛正千戶管衛事後改蘇州衛指揮僉事錫兄
鏞以公功世襲守禦嘉興千戶所副千戶鏞子
元濤仍還錦衣衛百戶錫子治元嘉靖丙辰進
士

名臣言行錄

因碑志
傳狀

海鹽徐咸

嘉靖甲戌進士
歷官襄陽知府

名卿紀績

太倉王世貞

嘉靖丁未進士
歷官刑部尚書

項忠者正統壬戌進士為尚書刑部郎從

英宗北狩陷虜自披歸步走間道七晝夜抵宣府
足陷蒺藜百數不覺也歸復為郎進廣東按察
副使陝西按察使超拜右副都御史撫陝西五
年召視院事固原土達滿四逼都指揮劉清因
挾其眾叛據石城迎擊殺官軍旬日間眾且二
萬矣詔忠以副都御史率師出討之忠至自師
往逼賊賊從高下我師不支伏羌伯毛忠戰死

項襄毅公實紀卷之三

五

三百廿二

忠即陣斬一退縮千戶陣稍定賊屈會星亭台
斗中外洶洶忠堅不為動曰賊無援又食匱堅
守可破也兵部議益師忠力止之于是絕堅壁
不復戰而持賊且百日時單騎巡視壘諭禍福
於是相顧多願降者繼而滿四從精兵來劫營
大小三百戰却之得賊慶將楊虎狸誘降使內
應虎狸脫卒說滿四出戰因擒滿四急擊下石
城斬首八千級俘二千餘人計石城天險盜有
卒不下乃留軍戍之歸論功晉右都御史荆襄

賊李鬚子者劉千斤餘黨倡流民為亂忠復往
招諭縱兵捕不服者發還鄉百四十萬編成萬
餘斬首二千餘召還累進兵部尚書尋以忤大
璫汪直落職去至弘治初猶無恙給事御史交
薦不起八十二乃卒謚襄毅
樵李徃括列傳

秀水戚元佐

嘉靖壬戌進士
歷官尚寶司卿

襄毅公名忠姓項氏字蓋臣正統七年進士年
二十二為刑部郎已已從

項襄毅公實紀卷之三

六

三〇二

英宗北狩土木陷虜自拔歸間道走七日夜始達

宣府足刺蒺藜百數不覺也歸明年進郎中尋
出為廣東按察副使已改山東所歷多軍功後
九年為陝西按察使會陝西饑不及上聞輒發
倉賑全活殆數萬計未幾以繼母喪歸陝人走
數千赴闕乞留于是奪制裏墨衰還陝治陝凡
五載徵為大理卿既行陝人復馳闕乞留甚懇
上謂忠得陝人心遂拜右副都御史留鎮其地時

洮岷番亂擊捕降其衆明年成化改元督寧遠

伯任壽破北虜於延綏又明年毛里孩舉國犯邊督彰武伯楊信破之於小龍州虜大創去陝土亢且鹵苦乏水公尋故龍首渠濬三十里又疏鑿涇陽鄭白渠灌田七萬頃後二年固原土達滿四怨都指揮劉清之偪擁衆叛旬日嘯聚且二萬據石城逆殺官軍死傷積野守將寧遠伯任壽廣義伯吳琮巡撫都御史陳价以失事逮詔獄命公總督諸道兵討之公至親擐甲冑鋒刃陷陣入時虜勢張甚從高乘我我衆披靡

前却伏羌伯毛忠戰死公中流矢兵將潰公即陣斬千戶退縮者陣稍定會有星孛于台斗人搖動內外訛言甚公曰兵家禁祥去疑昔李晟討朱泚非熒惑守歲乎而功竟以成是在戰不在機祥也我備之耳時同事者日夜望援兵甚急而廷議方且濟師公辭之曰兵有合變吾據賊水草坐扼其要足以困賊勝之必矣京軍脆弱不習戰即簡練盡得精銳馳數千里來塞外此自疲祗取敗耳於是大司馬兩侯伯主議

者皆啣公公不顧堅壁持賊者且百日時時單
騎過賊營諭大義且陳禍福賊亦稍稍相率多
來降者獨滿四自計罪不得原日蹙驍騎挑戰
或截出劫營大小且三百餘戰當是時虜衆甚
銳連號一呼雲集鏢舉矢石雨下公奮戰盡擊
却之楊虎狸者滿四愛將也夜出汲我兵道縛
麾下公叱斫頭來虎狸戰慄乞宥死公曰爾死
何道顧不足污我刃宥爾能自効乎虎狸伏地
哽咽願受命公即解金鉤束賜之數慰納結以
厚恩遣歸為內應已賊悉出戰虎狸竟賣四四
乃被擒因擊下石城斬首八千級俘二千餘人
仍留軍戍之明年論功進右都御史會京圻大
水勅巡視順天諸府公為賑之民賴以生者幾
三十萬人又明年大旱荆襄多流民李鬍子者
劉千斤黨倡為亂

上特命公徃平之公至聚兵二十五萬聲言勦捕
而實諭撫散因徧示山谷衆感悟涕泣而解散
者百四十萬人編戍者萬餘人隨附土著者五

萬人俘斬其拒命者二千人時有星變言官論
公荆襄妄殺人所致公力求歸不許論功進左
都御史召還院已改刑部尚書踰月改兵部尚
書時巨璫汪直剛戾殘詢威懾朝臣屢興大獄
百官莫敢睨公特疏發其姦及摘其黨韋瑛輩
上震怒罷直西殿瑛坐戍邊有御史戴縉附直祈
進上書白其能奉法

上惑之直仍領廠事遂首搆公欲寘之死不得得
落職歸後七年諸奸相繼敗復公兵部尚書致
仕卒年八十二贈太子太保賜祭葬謚襄毅

項襄毅公實紀卷之三

九 三十一

泳化類編

祁陽鄧球

嘉靖己未進士
歷官銅仁知府

項忠字蓋臣嘉興人氣直才敏古社稷臣也登

正統壬戌二甲第三十六名進士授刑部主事

轉員外郎己巳秋扈駕北狩陷虜中困以飼

馬居嘗竊嘆圖歸久之習知間道乃挾二良馬

而南越四日得脫險棄馬而步攀巖涉澗凡七

晝夜達宣府兩足皆疾藜刺敗景泰辛未陞廣

東按察副使鎮高州時謀報賊攜男婦數百流劫村落部將請發兵忠曰流賊無攜家理慎無妄殺已而有俘者訊之果皆良家被掠者盡釋之天順三年陟陝西按察使屬歲不登陝民嗷嗷忠嘆曰待請而發民命絕矣遂令有司先發廩而後奏全活以萬計尋奔繼母喪軍民赴闕乞留詔奪服返任明年召為大理卿陝人挽之益切

英廟以忠母去陝陟右副都御史巡撫陝西民大

項襄毅公實紀卷之三

十

三百九十九

喜關中水泉多斥鹵古有涇陽鄭白渠宋又置龍首渠至是歲久俱廢忠相度可以業民遂為奏或開或疏得灌田七萬餘頃人賴其利時洮岷生熟番作亂調兵撫捕悉降之延綏時有北虜警報防禦整肅虜不為患民感德為立生祠成化初固原土達滿四叛勢猖獗守將寧遠伯任壽廣義伯吳琮巡撫都御史陳价出禦皆敗指揮費良戰死事聞以忠總督軍務同總兵官劉玉往討時伏羌伯毛忠又戰死衆悸忠即陣

斬一千戶以徇乃定適有星孛於北斗占在秦州不祥忠曰賊虐害生靈惡貫滔天今仰仗皇威問罪師直而壯兵法禁祥去疑昔李晟討朱泚樊惑守歲卒以成功今殆類此遂進兵據賊水草為坐困計朝廷以師久而老兵家所忌詔問可否益兵忠疏京軍怯不諳戰益之無補時兵部大臣及兩侯伯議皆異忠主坐困之策尤力相持至百日每督戰至寨下矢石如雨忠無懼色馬文升勸其持重忠曰奉命討賊久無

成功死所甘心久而賊乏食覘其有願降者忠單騎隨二卒往譬以禍福遂多降者獨滿四復出劫營前後大小三百餘戰皆却之已而獲滿四愛將楊虎狸忠佯命戮于軍虎狸乞哀忠乃諭以順逆許以不死解其金鈎賜而遣之約為內應遂得擒滿四是役也擒斬七千六百有奇俘獲二千六百有餘遂平之凱旋進右都御史會順天河間永平諸郡民大荒忠往賑既發倉廩更設法義勸得米一十六萬五千石銀布牛

具萬餘所全活二十七萬八千餘人荆襄劉千
斤黨李鬚子糾衆據山作亂復詔忠總督軍務
勦之忠至先遣人持榜入山招諭其渠魁負險
不服者始加兵遂平之轉左都御史留撫鄖陽
會星孛于天田言者謂荆襄殺氣感召忠自狀
為國任怨未嘗妄殺因乞休朝廷溫詔慰之尋
入為刑部兵部尚書丁酉西廠太監汪直有寵
緝事其黨錦衣百戶韋瑛行緝屢興大獄朝官
重足而立無敢斥其非者忠奮筆疏直過罪首
諸公卿奏劾瑛得戍邊直視忠切齒初千戶吳
綬縱軍撓法忠疏黜之至是亦從直用事力構
忠于直欲寘之死忠廷辯慷慨不少屈事悉無
左驗竟坐誣落職後諸小人以次敗露得復兵
部尚書致仕家居二十有六年卒贈太子太保

謚襄毅

論曰戴經謂公在先朝功名滿世節氣動人當
權璫赫烜世勛大臣俛首屈膝莫敢吐氣而公
視之如乳孺直言抗論按法行事略不少顧及

其投間摘與釀成排擯之計且欲陷之坑窞而公侃侃正色力折奸回而奪之氣亦不能甚公之禍竊觀當時六卿都御史見直皆膝行叩首辱不忍言乃若以氣節激昂而能伸士氣于時如項襄毅者不易得也

皇明獻實

吳人袁襄

嘉靖丙戌進士歷官廣西提學僉事

項忠字蓋臣浙江嘉興人也正統壬戌進士授刑部雲南司主事遷陝西司員外郎己巳扈從

項襄毅公實紀卷之三

十三

三百七十一

此征羈留虜中飼馬久之挾二良馬南馳馬疲遂棄馬步走間道凡七晝夜達宣府視其足陷蒺藜者百數還陞山東司郎中景泰二年陞廣東按察副使按部高州謀報賊攜男婦數百流劫村落部將請發兵忠曰賊無攜家理慎無妄殺及訊其俘果皆良家被虜者盡釋之天順三年拜陝西按察使歲饑不待奏報輒發倉賑之六年丁母喪陝人赴闕留者千人詔還任明年以大理卿徵既行陝人復詣闕下借留乃拜右

副都御史撫其地時洮岷生熟番作亂調兵撫捕之遂降成化改元虜寇延綏調兵禦之虜遯走關中水泉丘鹵宋有龍首渠歲久湮廢奏開渠三十里復䟽鑿涇陽鄭白渠灌田七萬餘頃四年固原土達滿四叛據石城守將寧遠伯任壽廣義伯吳琮巡撫都御史陳价等帥師勦捕失利都指揮費良死之詔以忠總督軍務同總兵官劉玉討之伏羌伯毛忠戰死我軍遽退忠即斬一千戶以徇衆乃定會有星孛於台斗占

者以木在秦州不祥忠曰賊虐害生靈惡貫滔天仰仗皇威問罪師直而壯兵法曰禁祥去疑昔李晟討朱泚熒惑守歲卒以成功今殆類此乃不候援至即以師據賊水草困之朝廷以師久無功詔問忠可否益兵忠奏曰京軍怯不諳戰益之無用時兵部及前失律者惡忠異已各煽浮議忠堅主坐困之策相持者百日忠度賊已困單騎抵其寨諭以禍福賊衆多出降獨滿四與左右數來劫營前後大小三百餘戰輒敗

之已而滿四使愛將楊虎狸出汲被擒忠命曳
出斬之虎狸乞命忠乃許以不死解所束金鈎
賜而遣之約為內間卒擒滿四斬首七千六百
有奇俘二千六百因陳四事為經久計

上皆從之凱還進右都御史京圻大水勅忠巡視
發廩賑之復勸貸得米一十六萬五千石銀布
牛具各萬餘所全活者二十七萬八千餘人荆
襄賊李鬍子本劉千斤餘黨也倡流民為亂命
忠總督軍務乃下榜招諭其負固者縱兵搜捕
放遣者百四十萬編戍者萬餘斬首二千餘級
獻俘於朝者百餘人進左都御史仍獻便宜十
事詔暫留撫治會有星孛於天田言者謂荆襄
殺戮所致忠再疏自明言為國任怨實未嘗妄

殺因乞骸骨

上溫詔慰勉尋召還成化十年拜刑部尚書踰月
改兵部錦衣百戶韋瑛挾汪直為詞察屢興大
獄擅執京朝官中外重足莫敢言忠奮筆草疏
率諸公卿奏之瑛坐謫戍朝野稱快而其黨千

戶吳綬者先在軍中以撓法為忠所黜時方用
事乃極力構忠坐落職尋復兵部尚書致仕家
居二十六年卒贈太子太保謚襄毅

論曰始余讀鈞陽馬公西征石城記知項公有
將畧浮言不顧卒以成功昔先零未服而辛武
賢請亟進兵淮蔡將下而李逢吉請班師非漢
宣之明唐憲之斷何以成功哉項公雖得之滿
四然卒以荆襄招怨讎故曰難成者功也易興
者諂也君子以身任天下之事死生以之而焉
能使人不我諂哉

項襄毅公實紀卷之三

十六

二百四十一

萬姓統譜

烏程凌迪知

嘉靖丙辰進士
歷官工部員外

項忠字蓋臣嘉興人正統壬戌進士歷刑部員

外郎從英廟北狩陷虜中得還遷廣東按察

副使謀報高州賊數百攜男婦流劫鄉村忠曰

流賊無攜家理獲俘訊之皆良民盡釋之歷陝

西按察使尋遷右副都御史撫陝西固原土達

滿四叛有衆二萬我軍失利廷議推忠總師忠

曰此虜須坐困乃據賊水草持百日謀賊渴甚
有欲降者忠乃單騎入營衆因解甲來歸而滿
四尚劫營大小三百餘戰皆却忠擒其愛將楊
虎狸不殺解所佩金鉤遺之遣使內應一鼓擒
之凱旋陞右都御史荆襄賊李鬚子聚流民為
亂復詔忠督師忠榜諭散歸流民百四十萬編
戍萬餘斬首二千餘級因獻俘上便冝十事尋
轉刑部尚書改兵部加太子太保先是錦衣百
戶韋瑛挾中璫汪直勢屢興大獄戮辱京朝官
傾壓中外忠具疏率公卿列奏坐落職後陷忠
者皆敗始及忠官卒謚襄毅

姓氏履

亦化類編
小異並存

烏程凌迪知前詳

太子太保項襄毅公忠字蓋臣浙江嘉興人正
統壬戌進士授刑部主事仕至兵部尚書忤汪
直逮獄復職致仕卒贈太子太保謚襄毅公剛
果個儻練達吏事悉體民隱曉暢軍務直言正
色不屑詭隨當權璫赫烜世勲大臣俛首屈膝

莫敢吐氣而公視之如孱弱忠言抗論按法行事略不少顧及其投間摘疵釀成排擯之計且欲陷之坑穽而公侃侃正色力折姦回而奪之氣竟亦不能甚公之禍無何直道自明而公之節義大伸于天下顧非豐功偉德而皇天之默

降耶

今獻備遺

因獻實

曾孫篤壽

嘉靖壬戌進士歷官廣東參議

可齋雜記

項襄毅公實紀卷之三

安福彭時

正統戊辰進士歷官文淵閣大學士

成化戊子七月間陝西土達滿四糾眾反劫掠

四出勢甚張皇時疑此徒服役既久今忽反必

有不得已者請勅鎮守官追問激變之故行間

參將劉清禦賊敗績報至兵部請命陝西寧夏

延綏三處合兵殺賊已而聲息益急復請調京

軍往以都督劉玉總兵副都御史項忠提督軍

務項公未至寧夏陝西二處官軍不待延綏兵

至輕進大敗死者數千人軍器悉為其所得報

至京師輿情驚駭是時賊雖再勝聞朝廷遣將
出師遂退保石城山劉項領兵近山分為七路
圍之戒前失深溝高壘不輕與戰有副將毛忠
恃勇自領銳卒登山仰攻之復敗劔京師士夫
聞失副將益危懼以為安史復出兵部尚書程
信恐劉不勝任輒請命撫寧侯朱永再領京軍
及邊兵四萬以往命已下撫寧難其事奏定賞
格謂如生擒賊首一人與世襲指揮使賞五百
兩數人共擒者其賞亦然時見其張大欲止之
然難於遽止請令姑整軍裝待有急報啓行至
十一月項公知賊被圍已別命將亦不敢止但
奏宜令總兵星馳赴援倘不日破賊則一面奏
報止兵奏至

上命太監懷許黃三人召兵部於閣下計議程問
事急矣行不可緩時曰前者賊若四出攻劫誠
可駭懼今入山自保我軍圍守甚固不一兩日
賊必窮困可擒取也京軍何用再行商取予言
曰觀項布置賊不足憂矣程意不平曰項今退

在平涼亦不可知何為謂圍守耶尚書白圭侍郎李震相顧不言時曰彼分布已定無故何以退且京軍行何時可到程曰來年二三月時曰如此則緩不及事矣事之成敗只在歲終然以項奏詞觀之勝可必矣京軍不行為宜諸太監皆曰然因問邊軍去否時曰邊軍亦不必去商曰邊軍去無害也乃令邊軍行留京軍住營將不遣程又請差錦衣千戶一人去看動靜已准行矣時聞請止之曰去看無益徒失將士心程

忿忿出危言曰項忠軍若敗必斬一二人然後發兵去衆不察羣然附和以為止軍不行必失關中相知者咸為時懼私問曰止軍不發何所見時曰觀項䟽曲折知賊決可平靖但彼既聞已遣將亦不敢自任故也衆猶未信洵洵益甚至十二月二十邊捷至知以十一月二十一日執滿四等賊寨悉平羣言始息次年正月解滿四等三百餘人至京太監親問之乃曰被劉清并指揮馮傑剝削不過且又追捕為盜不得已

遂反非有他也因下劉清馮傑于獄鞫問得實
誅之中外稱快

今言

海鹽鄭曉詳前

滿四固原土胡也驍健好殺時出劫行人掠牛
馬聚惡少食飲參將劉清指揮馮傑稍法繩之
四賂掠資即解即數日又復中他事收捕捕至
輒得賄賄已又捕四大恨曰必殺此二人者成
化四年四月遂反不數月有衆二萬廷議請勅

項襄毅公實紀卷之三

二一

二百八十五

鎮守問激變故勅未至清進與賊戰大敗寧遠
伯廣義伯巡撫陳价都指揮費良皆敗或死兵
部請合陝西延綏寧夏三鎮兵進勦賊益肆行
劫攻城殺掠吏民羽書交至以都督劉玉為總
兵副都御史項忠提督軍務會巡撫馬文升討
賊忠未至陝陝西寧夏兵先至不俟延綏兵輒
進大敗四盡奪兩鎮軍器聞大兵且至退保石
城山忠等分兵七屯合圍之戒勿戰困賊伏羌
伯毛忠違命先登敗死賊益張言且攻西安兵

剖尚書程信請改命撫寧侯朱永總京邊軍四萬往討大設賞格擒四者賞金五百兩銀倍之官世指揮使四人共一如之十一月忠圍賊益急度必破賊又聞別命將不敢輒止奏言宜令新總兵星馳赴援倘不日破賊別奏止兵

上手忠奏付太監懷恩等召兵部議內閣信曰兵行不可緩彭時商輅曰賊不能出入山自保我兵困之甚固觀忠䟽賊不足憂也信曰不然忠且退至平涼未可知敢必其能困賊耶尚書白

圭侍郎李震相視不言時曰然則度京軍當何時抵固原信曰明春二三月時曰勝負決今冬柰何至明年觀忠奏賊憊矣止京軍便太監曰然然則邊軍去乎時曰亦不去便輅曰留京軍而遣邊軍便信大不平謂人曰忠敗陝西動搖內閣不得辭其責內閣又輒言忠足辦滅賊觀其䟽歲終賊平矣是月丁丑忠計擒四十二月捷音至明年正月檻送四等三百人至京師太監問四反故曰無柰清傑侵剝我也四等凌遲

亦斬清傑

西征石城記

鈞陽馬文升

詳家史傳下

殘元部落有把丹者仕於陝西平涼為萬戶我太祖既平江南克燕都下三晉兵至陝西而把丹等率衆歸附授平涼衛正千戶其部落則散處開城等縣為百姓抽其壯丁為平涼衛軍使自耕食彼既以養生躰獵為計而復無徭役用是殷富家有畜馬數百而羊至數千者咸仍胡俗

項襄毅公實紀卷之三

二三

三〇五

為樂正統己巳虜酋也先寇大同宣府脫脫不花王寇遼東阿羅出寇陝西土達漸遭剽掠天順庚辰虜酋孛來毛里孩統也先餘衆寇固原而土達生畜被掠者十八九生計漸荒逮成化丙戌各酋大舉入寇土達有李俊者獨以羊酒奉孛來孛來喜賜以馬俊遂有北從意時都御史銅梁陳公价巡撫寧夏遼都督張泰致仕居本鎮而畜牧于鳴沙州迤南與土達相鄰牛馬多被掠傳聞非虜即固原土達張把腰等假之

也丁亥春陳公移巡陝西秦令家人狀張把腰掠牲事於陳陳至陝遂付分巡僉事石首蘇燮逮問而張把腰已懼先是鞏昌府通渭縣人戶逃入把丹孫滿四堡潛住縣遣里長追捕遂為滿四等所殺竟不知其由至是縣亦上於陳公逮之滿四等雅素縱佚不知官府益危懼會新任靖虜參將都指揮劉清至固原守備指揮馮傑索各土達馬疋鷹翎以獻滿四因謀於俊而俊實奸黠遂倡謀從北虜時把丹曾孫滿疇者

四之姪也襲祖職以功遷平涼衛指揮僉事有司移文平涼衛捕張把腰滿四等甚急其衛指揮日逼督滿疇以應解者疇人也了不知俊四已有叛意遂率火鎮撫弟火四等二十餘人陰攜鐵索刑具往捕之滿四已知之候疇至堡給疇所率散各家具食盡殺之因劫疇四叛入石城石城者東西俱山左山峭壁高數十仞無徑路上者俱曳繩而登西山頂平可容數千人城中無水有數石池外設棧道而棧道下則築

小城護之前有小山高亦數仞如照壁狀兩旁
空處并後面悉築墻高亦二丈五六尺各留一
小門僅容單人馬過之不知何代人造此以避
亂者城外皆亂山形甚惡人至此毛髮聳然滿
四常圍獵至此熟知其險可據遂據之已而李
俊往誘東亭合泥土達見殺於仗義者參將劉
清領軍自靖虜來與戰不利報至陝鎮守太監
黃沁寧遠伯任壽與都御史陳价會遣都指揮
邢端指揮王震申澄率陝西各衛兵往捕戰於

項襄毅公實紀卷之三

二五

三百四十五

城下震死之端澄遯歸官軍大潰事聞遠近驚
駭兵部請以陳价任壽并寧夏總兵廣義伯吳
琮延綏都御史王銳參將胡愷各率所部兵三
萬會計之寧夏兵先至陳與吳竟不候延綏兵
至自固原急趨蔡祥堡夜二鼓營壘始定軍士
勞苦比曉即出兵架梁順嶺而行去石城十里
許賊數千出迎請降時軍餘馮信最知兵隨陳
公言于諸公曰賊雖誠偽叵測然我軍夜間未
息凌晨即行且乏水飯無執戈力不可與戰姑

從彼意退兵徐議攻討吳琮叱曰兵已至此豈
可聽彼誘退遂麾兵進賊先趨去至城遂驅牛
羊數千在前而精兵後繼時尚無兵甲器械各
執木梃而鬪官軍遂敗申澄蔣泰死之任壽吳
琮俱退保東山陳欲自殺左右人護下山遺失
軍資器械不下千數大銅將軍亦二座兵猶有
被圍在山者皆棄之而歸盡死於賊賊遂乘勢
猖獗凡係土達俱逼入城而於靜寧州大路抄
略運送甘州冬衣布花萬餘疋糧米不可勝計

時兵部主事閻讓催軍至固原具奏以聞或傳
其黨導以窺陝者朝野益震陳价任壽吳琮劉
清馮傑俱械送京師八月內乃命都察院右副
都御史嘉興項公忠為總督鎮守陝西太監劉
公祥為監督行取回京涼州副總兵劉公玉為
總兵都督僉事夏正充左參將都指揮劉清充
右參將監察御史鄧本端監軍兵部武選司郎
中劉洪紀驗功次益以京營神鎗官軍五千復
調甘涼延綏寧夏陝西官軍共五萬往討予時

以南京大理寺卿居憂於家服初闋奉勅陞都察院右副都御史巡撫陝西協勦叛賊總督總兵等官有事計議務在戮力同心共濟邊務時戊子九月五日也予奉命七日即行十八日至陝申戒所屬整點民兵防守城池及攢運糧餉畢十月一日至固原項公營方到一日是夜二鼓聞營外一里許砲聲甚急營中皆驚予尚未寢急令官軍嚴守營門至天明視之乃賊留文書一紙云容我每石城居住免納糧差奏聞朝

廷饒我每罪等語衆愕不可測予曰此不過欲緩我兵何足信只可整兵以俟進討因與項劉諸公謀求用兵方略地利險易衆皆言石城之險不可輕進又以前兩失利皆難之乃令善畫者圖其形勢兵分六路項與二劉并予及巡按御史任佐姜孟倫右布政使余子俊左參政龐勝屯中路延綏鎮守太監秦剛都御史王銳參將胡愷副使鄭安屯酸棗溝伏羌伯毛忠鎮守陝西都督白玉御史鄧本端屯木頭溝參將劉

清夏正布政司右參議嚴憲屯打刺赤寧夏副
總兵林勝參議崔忠屯紅城子陝西都指揮張
英鞏昌府同知羅豫屯羊房堡期三日諸路少
出精兵先示賊且探地勢乃大舉比至城外賊
覘知即出迎敵延綏官軍恃勇首失利陣亡者
二十餘人而賊之死傷者亦多衆益懼至十三
日會兵復往探山勢水頭賊遂迎敵佯敗去官
軍遂至城下時賊尚多居城外者官軍忽之貪
取財物賊遂斂衆入城伏羌伯毛公曰賊能有

幾速進兵勦之官軍四攻上城賊極力拒敵毛
公攻其東山路險不能進賊奮死樵阮官軍退
敗墮崖死者衆而毛公亦被害賊被鎗砲死者
不可勝計斬獲數百顆予時在中軍領馬軍五
百餘帶草束欲燒賊柵西路之賊乘勝復回東
路官軍不能支亦却總兵劉公被圍於城下官
軍潰散劉公亦中流矢家人陣亡者三四人項
公斬甘州退怯千戶丁某以徇官軍懼復登山
予亦調度所領兵破空填列以振聲勢敗軍猶

欲遜予號令敢有逃者斬之被傷者移置山下
衆稍定不敢退俄劉公子文來報曰家父被圍
乞阻敗軍子曰第入視汝父少頃項公至憂鬱
失色予從容言勝敗兵家常事況今日之戰賊
死者亦多勢已不振此時黃河未凍賊不北徙
無深慮者徐可再圖奏報明言伏羌伯忠義奮
發爭先登山斃于流矢賊勢已窮蹙且語所遣
舍人陶璽至京但言賊當就平以安中外時朝
廷久望捷奏至即令宣捷陞璽等為所鎮撫其

月彗出西方兵部程公萬里及撫寧侯朱永定
襄伯郭登議滿四驍勇恐其渡河與虜連禍不
止西陲乃交章擬益兵赴援項公與予謀兵應
益與否予曰若不益萬一賊不能平益兵晚矣
第上請令撫寧侯朱永率宣大精兵五千順邊
而來賊平則止之未平則併力勦之項公從以
上請且日督兵攻圍賊在山熟視不出戰官軍
至暮則回項公憂之予又謀于項公曰賊城中
既無水而芻粟亦漸乏若絕其芻汲則彼若釜

之魚當自斃矣項公從之遂令官軍盡焚左右
近地之草賊馬死者殆盡則又盡以死人馬填
塞城外水泉候賊夜汲者設伏掩襲之多被擒
益知彼中消息正艱於水予曰此時賊窮蹙甚
不足慮矣石城南門與東山相近時令都指揮
孫璽領兵數百駐於上以視賊之出入逮兵將
回此兵先掣賊據前山矢石雨下我軍不能出
時都指揮魯鑑統莊浪兵千餘人出為前鋒入
為殿後每被賊襲至夜方回予復言于項公曰

孫璽軍掣之太早故也候中軍兵行遠山上兵
方掣項公從之自此賊不得上山中軍兵結陣
而回賊竟不敢襲其後獨延綏軍與賊門相對
日被攻圍死傷者衆勢不能支予又言于項公
曰彼處當發兵邀擊攻其所必救賊若上山攻
我我以此精兵衝其脇賊必敗項公從予計乃
遣劉公子文同甘州達官指揮赤撒率土兵五
百人候賊上山兵即繼進以邀其後賊信胡神
十月八日神降曰若今日出戰勝則利不勝事

不利矣。至日賊果出攻我山上兵。我兵依法擣之，遂斬首三十八級。賊始懼，會續調甘州都指揮劉晟兵三千至。十八日復會兵攻城，兵已上山。山勢高險，卒不能克。又日值景短，不久即晡。兵在山上者數千人，彼此皆懼，而賊尤甚。予方憂兵不能掣，而賊復恐我攻山，乃詐請降。欲總兵官詣城下，項劉二公皆單騎詣彼。久不回賊，披戴明盔甲者數百人環遶門外，而輕騎往來。示武予與太監劉公在溝外，予曰：「賊窮蹙無信。」

義萬一二公被遮，留何以言之。朝廷速邀二公，歸賊堅訴，要巡撫大人來。予曰：「若不往，是示怯。」乃從數十騎至溝邊，大聲罵曰：「賊徒無禮，天朝大臣咸在此，爾豈應以精兵四外旋遶叱去之。」賊遂入城。予在城下，滿四同滿璫等乃出訴曰：「四等本良民，被劉參將馮指揮激變。今既如此，願赦死，請降。」予乃言劉參將等激變爾等，朝廷已知之。各官解赴京師矣。爾速降朝廷，必宥爾罪。賊皆羅拜，兵始獲從容而下一，無所傷。項公

問滿璫曰爾被逼劫入城非反者璫乞命予遂帶璫回營次日賊即設木柵于山上請戰不復言降矣一日夜五鼓城內有李旗者至營外報曰今夜城中賊自相讎殺可乘機勦之予與項公謀曰此言固不可深信但以理度之恐不虛遂令中營軍士晨餐及傳諸營俱早至山下賊果亂未久俱上山亂矢下射戰良久我軍仰面受敵予與項公親在陣前督軍矢至面無敢避者賊亦多傷但不能得其首級耳日將暮遂掣兵晨至山下則用守城大將軍銅鏡往城中擊之死者不知其數然天氣嚴寒軍士不敢然火賊堅壁不出逮暮始回軍士頗嗟怨竊相謂曰攻則攻之使我輩早還終日受寒何日得了予聞之又言於諸公曰頓兵日久恐生他變即黃河一凍北虜入套我軍豈能久駐彼時賊乘間突出奔入河套與之合謀貽患有不可言者莫若攻城破之可必衆不敢決時城中有一人代滿指揮送鋪陳馬疋到營有識之者曰此陳都

堂牢子張馬六兒陳公軍敗遂從賊予問曰爾
可回否馬六懼不敢對因留詢城中事彼既不
吐實顧復詐誘欲陷我軍遂遣人給送回固原
寧家即於山溝內殺之石城外有濠深丈餘人
馬不能至城下予思欲用土填之乃取各城上
圍竿木數十縛成天橋置偏廂車軸上軒昂隨
人亦可用以攻城至期遂推至濠邊低其前以
遮矢石命軍士數百人每人負土一袋以填濠
須臾濠平車至城下以竿繫城果高二丈五六

尺賊乃開舊所立木柵懸大石以防予因欲舉
此臨城衆恐傷人予曰豈有攻城不傷人之理
諸公終猶豫不決乃止賊見用是益懼漸有欲
降者予與項公議曰此輩不可害也遂給軍帖
令旗牌手送出營歸家自此逸出者日衆賊雖
嚴法禁之終莫能遏我軍圍困日密賊既無馬
與水漸有逃散意乃令曉番語人四外招之時
回回楊虎狸驍勇素有謀略四倚為謀主見勢
不可為遂以十一月十六日晚出汲被擒詭稱

聽招至大營時予方會諸公籌畫兵事虎狸至心甚恐項公叱斫頭來予曰汝既聽招來不必懼劉總戎刮刀與誓曰爾若能生擒滿四或殺死來獻朝廷有榜文賞銀五百兩金一百兩陞爾指揮遂以銀示之送出帳房外屏人問曰何日可戰虎狸曰只在明日倘落雪城中有水難為力但滿四最怕神鎗若戰不可放放則彼即退去予又曰何處可戰虎狸曰只在東山口項

公曰賊精銳尚多爾可計移其兵上山方可信

項襄毅公實紀卷之三

三四

三十四正

項公復解金鉤賜之乃遣去次日至五鼓予與項公整兵而出至山下其東山口係延綏兵所守地而機又不可預泄乃與項公謂延綏參將胡愷曰爾營兵連日傷損實多中軍兵可代爾守一日胡應曰諾予即命掣其兵移中軍兵於山口令人于高山上視之見有騎白馬出城者乃四也既而東山上果有披戴明盔甲精銳數百人衆方信虎狸劉公恐其子文在彼不利欲麾兵進予曰不可兵一進彼必退矣如此者三

探者忽來報曰今日廝殺賊箭往上射予叱之
曰賊多詐已而約王公銳等麾下悉前兩軍相
戰良久彼此殺傷相當我軍因奮勇鏖戰賊遂
大敗俄報滿四等已為中軍家丁郭遯生擒少
頃送至軍前爭功者不已予手刃欲殺之衆方
散予與項劉諸公議曰四既就擒城中破膽衆
勝逼城崩之必矣劉公曰既得四且罷若進兵
恐賊堅守卒不能平遂以四歸營官軍大悅予
與項公乃書火燭十數面行各邊并陝西各府
知之以安人心賊有馬驥南斗俱驍勇過人四
皆待以心腹次日復率其衆出戰官軍輒擒之
賊勢益蹙乃以擒四等捷聞且止援兵有勅獎
諭并賜羊酒犒勞不二日城中復立平涼衛達
官鎮撫火敬為主以拒官軍凡逸出者即殺之
項公令諸營各遣夜不收數人夜偵城下賊北
行即報南行勿追蓋欲散彼黨易成擒耳二劉
總戎議欲任城中餘賊皆散去不追項公曰賊
自叛逆殺我一伯三都指揮官軍死者數千人

今若縱之後稍不遂意即又叛矣終為陝西患
論法不可恕乃日探之至十一月二十五日賊
度不能支一夜潰出四散而去因悉發諸營兵
捕之擒斬數千級惟滿四姪太平舍人能最驍
黠逸去詢其黨滿洪云能熟知青山洞用火熏
之方就擒并獲其家屬百餘口諸營官軍日搜
山又得賊五百餘人幼男婦女不下數千盡分
給官軍止選取十三歲以下者數百以俟取用
楊虎狸家口亦被獲虎狸曰望救之子令旗牌

予引虎狸逐一認之俱給還而其親戚以虎狸
被宥者亦衆蓋以其預有功也惟舊時為盜者
百十人走彗帚山置帳房數十頂居之累招不
下項公命攻之亦不克予與項公議曰此亡命
殘賊不足慮終能得之第石城之險非盡夷前
後所築城垣恐後有叛者必據此為巢穴遂令
萬人悉平之至于陣亡官軍之骸骼久暴于城
外則令右布政余子俊收聚起大塚葬之祭以
牲醴復立石記平賊歲月山崖以示永久乃

會項公至彗帚山視之予方欲設法攻勦忽延
綏報北虜已入河套矣僉謂我軍久暴于外倘
北虜聞之擁衆來此其何以禦之乃留精兵三
千於山外伺賊子與項公於十二月二日并諸
營軍馬悉回固原予乃宴總督總兵并各鎮巡
撫將佐尚有所獲土達老婦人三百餘口予與
衆議以之解京途中勞費悉責其親戚放遣之
項公以二十六日歸陝而諸路兵俱回鎮其生
擒賊千餘恐生變即營中斬八百餘擇留滿四

馬驥南斗火敬等及其黨與之罪大者二百名
并滿四妻解赴京師俱伏誅且以兵後久安無
虞之計上聞再奉勅獎勵而彗帚山餘賊至成
化己丑正月十四日賊首毛哈刺亦叛誅傳首
至陝餘賊解散其未殄土達悉不究令其本分
耕牧盖慮其奔河套北從虜也于是石城迤北
古西安州添設一千戶所除官撥軍防守又以
固原千戶所改為固原衛奏選指揮等官苗鳳
等七十餘員理衛事復添兵備僉事一員舉置

昌府階州知州楊冕任之項公遂班師三月論
功陞賞太監劉祥歲加祿米二十石劉玉陞左
都督項公陞右都御史子與廷綏巡撫王公銳
皆陞左副都御史餘皆陞職有差而賞亦厚先
是項公日披堅于石城下督軍殺賊雖矢石如
雨略無懼色予嘗勸其持重公曰奉命討賊久
無成功死所甘心輿論偉之及是人猶以功大
賞輕不足淬勵人心云任壽吳琮陳价謫戍兩
廣劉清馮傑亦坐誅先李俊之姪洪滿四之姪

安已去予督捕竟獲亦解京棄市四月奉勅撫
安所餘土達予復親詣固原檢其戶數拘其老
者面諭以生生之樂釋其驚疑衆皆叩頭俯伏
曰誓不敢為亂遂奏給復三年以安其心復榜
示曉之選壯丁千名隨軍皆樂從願効死力以
報後再奏復指揮滿璫官調陝西西安左衛帶
俸以絕後患師旅既靖西方底寧予年方四十
有四濫膺巡撫重寄於兵事蠶午之際得偕項
公同心戮力凡營居野外者六十餘日親犯矢

石者二十餘戰始克獲醜獻馘殄平巨寇迄今三十有六年歷歷若目前事故因項公後人求論次其先烈而并及其始末之詳於此使觀者知兵禍起于細微戰功係于謀畫當思患于未萌圖成於先事是亦有志建功為國者之一鑑也豈直備史氏之略著一時同事者之績而已

乎

論贊載家史傳中不贅

鴻猷錄

因西征石城記

京山高岱

嘉靖庚戌進士

項襄毅公實紀卷之三

三九

三百六

論曰滿寇之亂起於邊將之不恤下云雖然非我族類其心必異狼子野心之衆乃使之聚處邊境密瀾塞下王鮪北泳越鳥南翔能保其百年無異圖哉今降胡多處畿輔之地國家承平彼何敢肆萬一胡馬南牧類相感召則滿寇之亂不但固原爾也往也先寇京師聞亦有說幸其驅蕩平定之早耳當時云俟事定處之而迄今晏然何哉五胡之釁往轍具存江統郭欽之說愚於滿寇事重有感也

雜俎兵謀篇

長洲劉鳳

嘉靖甲辰進士
歷官河南僉事

陝西有石城者東西俱山左山峭壁高數十仞無徑路可上惟曳繩而登右山頂平可容數千人城中無水有數石池外設棧道而下則築小城護之前有小山高數仞如照壁狀兩旁并後悉築高牆各留一小門僅容單人馬過之不知何代造此城外皆亂山形甚惡土達有李俊始有北從意會參將劉清至固原馮傑索土達馬

項襄毅公實紀卷之三

四十

三五

匹鷹翎等物滿四等謀於俊俊遂倡謀作亂時把丹曾孫滿禱者四之姪也以功遷平涼指揮其衛日督逼滿禱以得四禱不知四已叛率火鎮撫茅火四等往捕四等分散其從人殺之執留禱叛入石城參將劉清自靖虜來與戰不利報至陝太監劉祥寧遠伯任壽都御史陳价遣兵討之指揮申澄死邢端遜軍大潰事聞兵部請以价壽并寧夏總兵廣義伯吳琮延綏都御史王銳參將胡愷率兵會討寧夏兵先至徑趨

蔡祥賊偽降誘敗官軍遺失資械無算大銅將
軍二座亦失之遺兵在山上棄之盡沒後兵部
催兵主事閻讓以聞或傳其黨導以窺陝右朝
野益震陳與任吳劉馮等俱提解至京八月內
命副都御史項公忠為總督太監劉祥為監督
副總兵劉玉為總兵夏正充左參將劉清克右
參將御史鄧本端監軍武選郎中劉洪紀功勅
馬文升陞右副都巡撫陝西勦叛賊以十月一
日至固原項公營項方到一日三鼓聞砲聲甚

急乃賊遺文書一紙云容之石城居住無納糧
差赦罪曰此欲緩吾師耳因謀進兵衆以前兩
失利難之乃圖其形勢分兵六路期三日各率
精兵先嘗賊延綏軍恃勇失利亡二十餘人而
賊死傷者亦多至十三日兵復往探山勢水頭
賊逆敵佯敗去官軍遂至城下賊斂衆入城伏
羌伯毛忠奮揮兵四攻上山賊以死捶扼官軍
墮崖死者衆而毛公亦被害賊被殺者不可計
時欲燒賊柵而西路之賊乘勝復東官軍不能

支遂却劉公被圍於城下項公憂失色馬公言
此時黃河未凍賊不能北無深慮者其月彗出
西方事聞兵部及撫寧侯朱永定襄伯郭登議
以滿四驍勇恐渡河與北虜連禍不止西陲方
擬益兵項與諸公議兵應益不馬公曰若止益
兵萬一賊不平誰任之第上請朱永率宣大兵
五千順邊而來賊平則止之項公從以上請且
自督兵圍賊絕其芻汲盡焚近地之草賊馬死
者殆盡則又填塞城外水泉賊疲汲者設伏掩

襲擒之益知彼中消息四乃同璫等出訴曰我
等被劉參將馮指揮激變額赦死請降荅云激
變者已解赴京師爾速降必宥汝賊皆羅拜因
留璫帶回營次日賊即設木柵于山請戰不復
言降矣一日夜五鼓有李旗者至城外言賊自
相讎殺可乘機勦之諸公議曰此亦恐不虛遂
令諸營俱早至山下賊果亂戰良久我軍仰面
受敵諸公皆親在陣矢至面無敢避日暮掣兵
晨至山下用大將軍銅銃擊之死者不知其數

然天氣嚴寒軍中頗嗟怨石城中有溝深丈餘
思用土填之取各城上圍竿木數十縛成天橋
置偏廂車軸上軒昂隨人亦可用攻城遂推往
以土填濠賊懸大石以防欲因舉此臨城衆猶
豫不果賊逸出者日衆楊虎狸者驍勇有謀略
四倚為謀主見勢不可為遂以十二月十六出
聽招至大營心甚恐劉總兵拔刀與誓曰汝若
能生擒滿四或殺死來獻必厚賞爾加以官屏
人問何日可以戰云只在明日倘雪下有水難

為力矣但四最畏神鎗若放彼即退去矣問何
處可戰云只在東山口復謂之賊兵精銳尚多
爾可計移其兵上山方可信次日五鼓諸公整
兵而出至山下東山口係延綏兵所守移之以
中軍兵置山口令登山望之見騎白馬出城者
即滿四也既而東山上果有精銳數百探者忽
來報今日賊箭皆往上殿王公銳等急麾其下
悉前戰良久殺傷相當我軍益奮遂大破之俄
報滿四等已為郭朔生擒遂以四歸營大書火

牌數十傳報以安人心賊有馬驢南斗俱驍勇
過人四皆待以心腹次日復率衆出戰官軍輒
擒之賊勢益蹙乃以捷聞城中復立火敬為主
拒敵凡逸出者即斬之項公令諸營偵於山下
賊北行即招南行勿追蓋欲散其衆餘黨易成
擒耳劉總兵乃欲令任其自散去項公曰賊自
叛逆殺一伯三都指揮官軍死數千人今若縱
之後稍不遂即叛矣乃日探之至十一月二十
五日賊度不能支一夜潰出四散去因悉發諸

營兵捕之擒斬數千級滿四姪太平舍人能最
驍黠逸去詢其黨滿洪云能熟知青山洞用火
熏之方就擒并獲家屬百餘口諸軍日搜山得
五百餘人楊虎狸家口亦被獲令自認取釋之
其親戚以虎狸被宥者亦衆舊為盜者百十人
走彗帚山置帳房數十頂居之累招不下議石
城之險恐復有據者遂令萬人悉平之十二月
二日項公等諸營軍馬悉回固原所獲土達婦
人悉責付其親戚生擒賊千餘就營斬八百餘

擇留滿四馬驥南斗火鎮撫等餘黨罪大者二
百名并四妻解赴京師伏法而彗帚山餘賊至
成化己丑正月十四日賊首毛哈刺亦伏誅惟
李俊之姪洪滿四之姪安已去馬公竟鉤遶獲
之亦棄市京師

野史終

贈言

平虜凱旋詩序

鈞陽馬文升詳前

平虜凱旋諸詩以都察院右副都御史項公蓋臣克平逆虜滿四而作也陝右士大夫既為是詩將勒石紀功用圖不朽以予與公同事兵間不可無言惟昔元季有滿氏把丹者雄長西陲國初輸誠款附我

太祖高皇帝溥天地涵弘之德斥平涼固原喬地

項襄毅公實紀卷之三

四六

三五八七

俾之耕牧入隸版圖垂百餘年於今生聚日蕃

號滿家營有衆數千人皆驍雄善騎躡歲以縱

獵山野逐獲禽獸為利而滿四其酋豪本名俊

人以滿四呼成化改元四禩固原守將轡御失

德虜潛蓄異鳩聚開城隆德靜寧安定內附諸

胡種及迫脅鄰土雜居軍民而攘攷其馬騾驢

牛羊財帛不兩月衆至數萬據石城之險僭署

名號且密援外虜為應城距故營數十里遂徙

為家伐木結柵城上蒙生牛革以為固四面陟

厓深溝為東西門入道仰躋歌車騎不可成列
近城尤峻絕曰砲架山其次曰壁山參錯瞰
道側削立千仞石磴攀緣由葫蘆凹以登蓋城
最要害處虜守之引置木石其上俟攻至下施
飛擊中人必得其死虜嘗自語天設金湯雖彊
敵數十萬無敢近先是虜徙城掘得前代行元
帥府事銅印每以是部署帳下羣醜火四火能
為腹心馬驥南斗為股肱咬哥保哥為爪牙滿
能滿玉為羽翼選兇狡之徒制中命之器指麾
奮擊勢甚猖獗是年六月前巡撫陝西右副都
御史陳价鎮守陝西寧遠伯任壽征西將軍廣
義伯吳琮參將劉清發兵三萬薄城屢戰皆大
失利都指揮王震蔣泰申澄死之遠近騷然事

聞

皇上渙起雄斷特勅公總督都知監太監劉祥
為監督平虜將軍都督同知劉玉為都統副以
伏羌伯毛忠都督魯鑑林盛參將夏正劉清胡
愷都指揮周璽費澄蔣玉吳榮張英姜盛丁鐸

黃瑞鄭英鄭雲神英陳晟苗玘孫璽楊威羅敬
皆為偏裨率京邊馬步精兵三萬四千有奇七
道進攻環石城山谷為營陣監軍則太監秦剛
巡撫則右副都御史王銳暨子鎮守則都督白
玉參謀則御史鄧本端巡按則御史任佐姜孟
綸督餉則戶部員外郎張賑紀功則兵部員外
郎劉洪至若分給諸營則布政使余子俊參政
于璠朱瑛龐勝參議嚴憲崔忠按察副使宋有
文鄭安僉事胡欽胡德盛皆罄力協心佐襄厥
務節度攻取悉惟總督公成算為進止公昔節
鎮關中素有令望奇謀偉略其出無窮持重周
悉必求萬全自環營凡三閱月大小三百餘戰
伏羌伯毛忠都指揮周璽費澄戰死公與予輩
親冒矢石虜衝突不能動嘗呼虜酋布宣朝
廷曠恩以招徠之終恃險反覆靡常我師每以
久暴露為憂公議曰彼烏合之衆利在速鬪不
能持久吾將堅陣以待其斃既而購募得敢死
士數千密間謀出奇計斷其水道燔其積聚城

中食盡人馬多渴死虜窮蹙挑戰尤數由是靡
七路兵并力鏖戰首獲滿四至中軍降其悔禍
者數千餘黨猶乘城跳踉或羣出山谷延喘為
暴衆兵鼓憤屠城大索山間斬首萬餘級橫尸
徧野生獲者萬餘婦女童穉孳畜不可勝計洒
掃巢穴邊境用寧十有二月班師將獻俘於
朝厥功可謂盛矣此平虜凱旋詩信不可無作
也詩凡若干首衆體咸備揄揚國家威靈克
集大勲皆董師得人所致焉嗚呼克敵制勝莫
難於用兵紀功述德必由於詠歌昔周王選徒
出狩則南仲仲山甫南征北伐則尹吉甫方叔
召虎史氏書之詩人詠之豐功盛烈萬世罔墜
今公文武兼資功在社稷推校周臣殆不多讓
播之歌詠施諸後世其猶今之誦周詩與是宜
歷叙梗槩以弁其端也

平虜凱旋集句

宋有文

陝西按察司副使

時

成化戊子夏平涼逆虜嘯聚據險猾夏大肆荼

毒

上命都憲項公總督三軍討之直擣巢穴出奇策
冒矢石凡百餘戰而酋虜就擒巢穴尋平時有
文執事帳下目擊成功故喜而集句九章以頌
之首述 國家創業繼統之隆而黠虜昏愚跳
梁繼美其付託出將而車馬兵威無敵末言戡
靖患難執訊獻俘而寵膺入相焉然不足以揄
揚公烈萬一之盛抑亦庸備凱還之歌云耳歌
曰嗟嗟烈祖受天之祐綱紀四方奄有下土明

項襄毅公實紀卷之三

五十

三十一

明天子繩其祖武柔遠能邇民之父母 獫狁
匪茹敢距大邦內異中國陟彼高岡多將熇熇
如鯛如鱉曾是疆禦亦孔之將 六月棲棲我
征徂西是類是禡建旆設旗薄伐玁狁方何為
期既破我斧民之方斨 王赫斯怒乃眷西顧
王命卿士文武吉甫陳師鞠旅深入其阻左右
陳行仍執醜虜 檀車煌煌駟介芻芻盜以釐
軌旂旒央央豈弟君子時維鷹揚有虔秉鉞玁
狁於襄 我師我旅如霆如雷我徒我御維熊

維罷式遏寇虐無縱詭隨是伐是肆獫狁於夷
赫赫業業無競維烈桓桓於征一月三捷孔
淑不逆無俾作慝寵綏四方惠此中國 勿士
行枚載橐弓矢振旅闐闐垂轡瀾瀾執訊獲醜
言旋言歸無大無小云何不喜 入覲於王佩
玉鏘鏘以奏膚功萬民所望天子是若載錫之
光實維阿衡天子之邦

贈憲副項公赴任廣東序

秀水呂原

正統壬戌進士
歷官翰林學士

項巽毅公實紀卷之三

五一

三十三

嘉禾項公蓋臣以刑部山東司郎中擢陞廣東
按察司副使予與之居同里鄉舉會試俱同年
而交誼視他最密者也則於其別予之任寧能
忘情而靳不腆之言哉初蓋臣游郡庠為弟子
員性甚敏而治經史甚勤與凡諸子百氏涉獵
殆遍繹為文義珠具粲列同業者皆自以為不
及既而登進士第為秋官主事大司寇淮陽金
公暨姑蘇俞公皆器其才而遇之有加禮然蓋
臣愈自謙抑未嘗恃以驕人蓋其涵養有素雖

位勢不能移也。徂歲扈駕北巡，為虜酋所執，脅而誘之，欲得其從而盡臣。誓死不屈，與之反覆，辯曲直，陳利害，甚誠切。虜感其言，閱數月，獨縱之歸。及歸處之，如平日，絕口不言其事故。他歸自此者，往往冒爵賞，而盡臣止循次得舉。署郎中，蓋其險夷一節，雖患難不能變也。夫不移于位勢，則可當大任，不變於患難，則可臨大節。以是議者咸謂盡臣宜列部臺，顯秩而或者少。其年忌，其過于直，遂不果，而擢為今官，殊未滿眾望焉。然盡臣囂然自得，且曰：吾德薄才謏，職是愆，弗稱，惡知其他。噫，虧益益謙，乃天道。盡臣有守，有為人莫之及，而能謙益如此，他日所志詎可量耶？尚愈加勵，毋怠，毋忽。譬之璞在荆崑，將必自顯於世，而寧久閤其光也哉。庸書此以俟云。

壽頃馬蓋臣八十

秀水呂憲

詳前

節旄秉義，虜庭堅羽扇，提兵將略全尚論。先

朝多偉績故應極貴又長年湖山甲第青春富
文武郎君綵服翩待賜漢家靈壽杖風光歲歲
秩賓筵

贈言終

襄毅公實紀卷之三

五三

七十

項襄毅公實紀卷之四目錄

哀辭

奠章

馬文升 尚書部

彭禮 御史

劉春 侍讀

汪宗器 大理

夏景和 浙江按察使

林富 工部

林符 浙江布政使

李延壽 浙江按察使

張鸞 浙江副使

屠勳 刑部

呂憲 南太常寺卿

羅麟 廣東參議

項襄毅公實紀卷之四目錄

梅江 四川僉事

于鳳喈 嘉興府

何顯 湖州府

林世遠 蘇州府

劉琬 松江府

祁司員 池州府

屠熙 太平府

屠奎 工部

張祐 國子助教

洪範 嘉興府

譚溥 秀水縣

劉子厲 嘉善縣

梅珂 崇德縣

陶瓚 縣丞

姚玉

沈呆

呂浩

鹽官劉世維等

輓詩

侶鍾戶部尚書

張昇禮部尚書

劉大夏兵部尚書

閔珪刑部尚書

曾鑑工部尚書

韓文南兵部尚書

王儼戶部侍郎

李傑禮部侍郎

王鐸禮部侍郎

李華禮部侍郎

屠勳刑部侍郎

李鏞工部侍郎

張達工部侍郎

史琳右都御史

何鈞副都御史

王璟僉都御史

項襄毅公實紀卷之四目錄

沈祿通政使

田景賢通政使

楊守隨大理寺卿

江灝侍講學士

呂憲南太常寺卿

陳勗左通政使

李浩右通政使

張泰大理寺少卿

吳一貫大理寺少卿

熊偉通政司右參議

叢蘭通政司右參議

鄧璋大理寺丞

王洧吏科都給事中

屈伸兵科都給事中

楊子器吏部主事

毛實刑部郎中

戴祐福建僉事

梅江四川僉事

姜

諒

漳州府知府

朱

綬

楚府左長史

李

楠

知州

馬

輿

漢陽府知府

戴

經

泰安府知州

徐

春

通判

祝

淇

封刑部主事

鄒

璣

訓導

魯

敏

訓導

賀

榮

訓導

殷

浦

張

貫

伍

常

田

震

指揮

玄孫德成

項襄毅公實紀卷之四目錄

三

八

項襄毅公實紀卷之四目錄終

項襄毅公實紀卷之四

玄孫德楨彙

哀辭

奠章

大小九卿吏部尚書馬文升等

嗚呼我公一時之傑智邁才超穎脫矧發赫赫
臺省丞丞廟堂論功議德誰可公方昔在 先
朝南夷狂獬齧我疆場守臣奪氣西土猾虜重
肆陸梁滔滔其流勢將潰防鑄印刻符授公斧
鉞勦頑踣兇卒成偉烈湔濯昉既撫摩瘡痍恩
漸威燁並用同施墨突未黔數年萬里旌節來
歸以覲

項襄毅公實紀卷之四

三百五十六

天子英聲茂實朝野稱休進陪國謀潤色皇猷著
龜梁棟非公孰求鍾鼎竹帛公名實優何彼愴
夫肆其讒唯忠言方行奇禍已搆退居閒館風
月丘林弗競弗諱獨徃孤尋稅冕遺紳何心此
世公論既定盍還公位歲月于荒穰春素秋把
酒哉詩以樂優游士夫高仰遠邇承式

帝憫其髦載加敬秩胡蒼蒼之難信不一老而慙
邇使堂堂而去之竟疹瘁於周詩邀贈謚於
天衷恩有隆而無替瞑公目於九泉孰深埋而
厚鏃慨有生之歸盡猶物成之必毀惟有所樹
立為不朽與有所承繼為不死嗚呼公有蔭孫
有賢子其不朽而不死矣乎文升等始聞公訃
嗷然失聲見公之生榮死哀又竊知公有慰乎
曩情謹緘辭而寓奠公曷歆乎此誠

巡撫南直隸左副都御史彭禮自金陵遣應

項襄毅公實紀卷之四

二

三百九十一

天府學訓導莊榮

惟公光嶽精英扶輿清淑甲第早登刑曹首服
尋陟都臺百僚振肅

聖明鑒之推寵惟沃載遷司馬戎權是督決策輸
籌民安兵足樹績廊廟退身泉谷永享遐齡奄
有多福文武諸彥克紹芳躅倏焉長逝萬夫莫
贖禮昔居下屬沐愛彌篤乃聞訃音寔亂心曲
薄奠將誠微詞致瀆

翰林院侍讀學士劉春

天生雋賢為國之紀服休服采以翼

天子還璧虜庭秋臺司理總憲於臬百物順軌迺
率西師氏羌率俾迺征荆襄功成致毀迺擊奸
邪奮不顧已德實先大材則具美宜其永年享
有多祉今也考終九原莫起春等托文冢器同
舉進士既欽盛名亦敦世契合賙有儀道遠曷
致千里緘辭用表芹意

南京大理寺右寺丞汪宗器

惟公歷事 四朝官至八座總理兵機為時名

項襄毅公實紀卷之四

二

四〇

佐退休林泉堂開綠野老境徜徉天賜純嘏子
官南臺克持風裁掄轉諸侯名位未艾而公年
踰八袞溘然朝露裕後光前死亦可豫宗器等
晚生辱與令子有鄰封之誼素仰典刑倏驚訃
至道之云遠匍匐難成具禮緘辭一奠寓誠

巡按浙江御史夏景和

通於世務之變者往往隨俗而推移習於文史
之事者每不足於長策遠畧之施孰智義之兩
得孰小大之具宜惟公之生宏達魁竒既蘊抱

之不凡亦遭際之惟時始立朝而簪筆儼丹
鳳之歲蕤冰霜三尺挺然獨持西署流平反之
譽外臺凜澄清之姿節鉞霽霖雨之澤貌貅宣
折衝之威靖犬羊於襄漢掃狐鼠於汧岐方二
盜之陸梁慘晝黑而飈馳衆惟怯以進退公談
笑而揮之遂超遷於喉舌震皇靈於六師忤
權倖以獲戾竟解組而旋歸彼權倖之恣肆勢
熏天其赫曦衆望塵而雅拜公睨之如狂兒屹
砥柱於橫流顧鍾鼎其如遺卧丘林以自適永
嗟勲望之若此惟士林之表儀潔一觴以致奠
悵遼鶴之遐飛

工部觀政進士林富

天於偉人間世則生蓋貞元之氣固有所祕而
山川之孕不常厥靈嗟惟先生剛大碩博天寔
生之以乂王國掌憲內外持兵邊屯時武而
武時文而文威恩四馳褻氛蕩息謀臣宗功莫
我敢匹厥既振旅入典樞機談笑于中以鎮三

睡點壁憎蠅亂苗惡莠侍從連章公論則有吁
嗟先生 國之倚毗孰奪以逝不期而頤惟
帝念功卹典崇侈節惠褒榮以勸臣子藐然一介
銜命南來相之極之爰作泉臺觴豆薄陳拊棺
一慟豈曰予私耆老之痛

浙江左布政使林符

惟公鍾山川之秀翼

聖明之朝忠肝義膽名重才高遭國難完子卿之
大節掌刑憲即今代之皋陶臺端振肅邊鄙勤

項襄毅公實紀卷之四

一五

二十七

勞平石城功推第一懲荆楚嘯聚奔逃何乃文
武之全備而來讒口之譏讒納汙合垢三復鷓
鴒二十餘年嘯傲林皋寵辱弗驚壽考逍遙類
裴晉公之明哲慕郭汾陽之不驕豈特三達尊
之兼有抑信史千百年之名標嗚呼天道不遠
賢郎能官蓋棺事定

聖主恩寬贈謚世祿光賁丘園可謂無憾生順沒
安但傷一老之不遺而忍哲人之萎殘符等忝
守浙藩仰止黃髮敬奠椒漿伏惟來格

浙江按察使李延壽

惟公之材瓌竒卓傑惟公之行孤直峻潔如彼
松檜棟梁之姿歲寒不凋挺然獨持晁董登庸
張于執法博識該通淑問流洽三尺畫一仁恕
藹然甘棠有陰民自不寃西臬澄清冰霜千里
中臺總憲綱維百揆羣盜跳梁螳螂當車雷掣
風掃鼠穴為墟皇皇六師在公掌握正色立朝
冠劍岬岬羣小睥睨貝錦斯成公歸乎來丘壑
放情平生勲業歷歷可紀晚節卓然星懸嶽峙
不竟其施乃遺厥後鳳雛驥子亨衢遠驟公雖
逝矣 恩典不忘葬祭哀榮燦然奎章敬奠一
觴再拜靈几公在帝鄉白雲旒旒

浙江按察副使張鸞

惟公才優經濟道順操持夷險一節左右具宜
赫赫威望風雲揮霍晚掛高冠徜徉丘壑關右
之政仁惠紀綱沛如甘雨肅若秋霜鸞以童髦
肄習泮水公降其威儼然師軌啓迪訓誨底於
有成深恩不報慚負平生再拜几筵用伸微悃

一觴酌公與淚俱隕

太子少保刑部尚書屠勲

惟公乾坤間氣光岳儲精慶鍾茂族公寔誕生
筮仕郎署中罹變更被留虜塞旋歸

帝京桓桓大節人曰蘇卿超陟外臺在在聲名臨
事不回守道堅貞外表凝峻內秉純誠赫赫有
命允宜中丞授鉞臨戎隱然長城召握臺印綱
紀載清石城失律

帝曰汝懲整師百萬總督西征坐困巢穴不專戮

項襄毅公實紀卷之四

七

二九七

刑子房謀幄韓范甲兵繼有殘孽猖獗襄荆公
仍總督行權守經鐵厥渠魁蘇復疲民蕭何餉
計武侯屯耕獻俘條疏著有章程

帝曰汝嘉喜溢 天廷位加八座恩錫百芻功高
獲謫白璧青蠅浩然解組寵辱不驚公之進退
繫國重輕奸邪敗露國典彰明復還舊物敕賜
褒旌三十年来洛社耆英壽躋耄耄一夕弗興
山頽梁壞朝失老成訃聞 宁悼謚贈頻仍有
司治葬鬱鬱佳塋神道樹碑勲德有徵於乎已

矣仰止曷勝固知為公為卿不足為公榮而忠
肝義膽凜凜乎其如生將為雨為露以配彼流
行為雷為霆以泄其不平豈為慶雲為景星為
鳳為麟以昭其文明抑為聖為賢為神明以顯
其英靈典刑如在叩之冥冥勲黍葭戚涕淚交
橫緘辭致奠庶幾來歆

南京太常寺卿呂憲

吾黨小子尚不知公生稟光嶽之英而天下之
人識與不識皆知我公將相之重名二十年來
人徒惜我公遭讒而去官至千百年後人必思
我公欲一見之而為難昔也沙漠之來歸即蘇
屬國之不回及石城督戰之役是書生而當師
丈之吉故西土懷之猶望班定遠之來楚人懲
之深服贊皇公之才觀其除佞於

君側此令雅拜者雖孔光九泉而媿恥及蒙難不
辯此固合乎明夷養晦之正體雖然此公事業
耳而未得其心得其心者必於晚節而推尋故
垂老而富饒者由乎子姓之勤約公初不以家

為也褒卹於盖棺者出於

聖明之獨見公已久忘乎寵辱未始復冀於斯也
或云襄陽處分之過其慮有皋陶之減祚今公
繼有賢後享有遐齡是乃天知公之為國誠
非逞刑以私也爰由是而求公之心人皆不若
天知之深憲以先學士與公同年而登第憲之
愚子又辱龍門之孫壻茲將歸魄兮山丘浩余
涕兮橫流敢陳一老兮誅章悵終天兮別觴

廣東左參議羅麟

項襄毅公實紀卷之四

九

三十九

嗚呼君子之仕也功業奮于才爵祿由於人而
壽考原於天今之所謂大臣者必兼斯三者有
之而後能至而本之以剛毅濟之以勁氣折而
不挫老而彌礪若吾項公者可不謂之朝廷柱
石鄉邦豪傑歟然亦坐是卒廢于家久之雖復
其官而亦終不用也蓋其優游林下朝端不復
見其風采者幾三十年而人之親被其澤者亦
復老且死矣而名在天下不少衰聞訃之日

天子曰嘻是昔為郎官而走沙漠迎

英廟者歟縉紳曰噫是昔為大司馬忤中貴而得
罪者歟陝民曰吁是昔為都御史擒叛豎而活
我者歟嘆息痛悼者初不論夫知與不知而生
等鄉邦後進又當何如其為情歟於乎哀哉古
往今來人孰無死於赫惟靈高名厚祉夫既有
名亦又有子一武一文煌煌金紫於乎哀哉生
等瘞不獲臨葬不及送臨風致奠曷勝其痛

四川僉事梅江

嗚呼天之生材孰云無意上佐羲皇下位天地

項襄毅公實紀卷之四

十

二二七廿五

惟公之生乃得間氣挺然人豪偉乎國器年當
弱冠連登高第職拜秋曹不畏權勢扈征而歸
恩從天畀官不沿牒外臺攬轡尋陞都憲屢膺
重寄指麾三軍所向即利王師凱旋都臺蒞事
半載之間 寵光沓至遷司寇階轉司馬位掌
握兵機人皆驚異自此奸邪輒生妬忌恬然解
組中心無媿安享林泉欲無不遂八十二壽疾
非所累一夢奠楹溘焉而逝嗚呼公之榮顯也

更歷 四朝四十餘禩公之勲業也勤於鼎彝

荆襄為最巍然坐廟堂而贊廟謨晏然臨大事
而決大議今之沒也訃聞 朝廷既錫葬祭又
加贈謚功在社稷澤垂後裔可謂生榮死哀而
垂令名於千萬世生荷啓迪感激難昧慨百年
之永訣陳一觴之薄祭冀英爽之格思鑒片誠
之一二

嘉興知府于鳳階

公姿礪落威鳳騫雲和鳴中律羽翮皆文公才
奇特江秋水寒驚沙走石千里瀾漫道合而行

項襄毅公實紀卷之四

十一

二九十九五

澤被蒼生蠻夷戎狄罔不知名事與心違命駕
而歸谿山花月宛覺增輝丹衷貫日九死弗移
如蘇中郎漢節堅持華顛垂雪一笑何求如裴
丞相綠野優游雷轟禾稼括人其凶罷市巷哭
聲斷秦眷佳城既闔良璧亦藏薤露朝晞漆燈
夜光陰風蕭瑟神游太虛鸞駮鶴馭霞珮星裾
元勛懋德

帝用惻然恩極褒崇輝煌自天守臣菲才素仰儀
刑招魂無地傷心淚零登堂肅拜繼以哀詞敬

疏雜陳黃流在厄

湖州知府何顯

惟公四朝元老兩浙精英蚤登甲第歷試明

刑洊陟外臺綱肅紀清晉位都憲授鉞臨戎盪

平汧瀧撫輯襄荊載歷總憲尋轉夏卿出將入

相年歷歲更雄才直氣茂績殊功中罹讒毀解

組辭榮旋復舊物優游林垆天不慙遺長庚隕

空計聞當宁贈祭頰并生榮死哀世孰能同

顯忝偕令子賜對明廷幸守鄰土高山景行敬

遣一觴聊致芹誠

直隸蘇州知府林世遠

公國之元老鄉之耆英文酣古籍武將雄兵平

兩番之虜進二品之卿功存社稷名垂汗青詎

意遭青蠅於榛棘拂衣恣高卧於林垆黃花綠

野山高水清芒鞋竹杖酒伴詩匆人仰公德慶

雲景星人擬公壽鶴算椿齡何期一夢竟隔幽

冥興薤歌於萬里來諭祭於明廷贈官賜謚

存沒兼榮有子克肖衣繡專城光前啓後誰可

並稱愚輩雖未識公面夙慕公名矧與令子宦
海交盟忝司鄰土千里馳情緘詞致奠聊寓微
誠顧予之將尚格公靈

直隸松江知府劉琬

公之生鍾兩間之秀公之行為兩浙之英其筮
仕則清忠直節其垂後則樹功揚名景星喬嶽
三老五更言與時違不以進退為忻戚論愜於
輿不以寵辱而或驚清時豪傑黃閣蜚英天下
方望以為重夫何一夕而失萬里之長城考德
有傳狀行有銘琬也托守鄰邦夙荷玉成附茲
薄奠以寫微情

直隸池州知府郝司員

於乎人生於世五福為先誰其不欲乃罔克全
惟公之生獨稟間氣五福駢臻克肖天地學優
才贍桂籍騰芳仙仗傳臚鴈塔流光擢職烏臺
糾劾姦弊白簡飛霜罔不驚懼出守江州政邁
龔黃誕敷德澤邦家之先榮擢大藩紫薇耀日
益霽霖雨名聞

帝室歷階都憲凜凜風裁訐謨屢陳

帝曰俞哉夙膺簡命進爵司馬久握兵權一人
之下經綸密勿不知幾秋狼煙息紅威震邊陲
篤生令子移鎮姑熟叨接鄰邦辱愛彌篤顧予
小子猶守於池聞公之喪我心傷悲公都大爵
勅諭葬祭生榮死哀天下罕儷雖死其身不死
其名功業巍巍照耀古今千里緘詞遙奠醕醑
靈其不昧鑒我心曲

太平同知屠熙

項襄毅公實紀卷之四

十四

惟公夙鍾淑氣生此偉人元勳碩德為國名
臣曩歷中外乃武乃文官居都憲肅顯縉紳攘
除堅寇殄瘴妖氛榮登司馬恩寵彌惇六師
愛戴四夷傳聞彌綸參贊左右

皇仁寤寐廟堂陰福斯民浩然歸志投老江津香
山雅集綠野清樽笑談風月願養天真優游林
下享壽八旬俄邁一疾玉殞星淪黎雲夢杳薤
露歌頻九重聞訃賻葬攸勤恩覃鳳詔碑
絢龍文佳城翁仲馬鬣麒麟風情障日義氣凌

雲不隨逝而已不待生而存哀家器泣血沾巾備員僚佐亦忝姻親訃音飛墜孰不愴神遙陳菲奠用表微忱

工部主事屠奎

先生一代耆舊今其已矣夫先生之平生人人能傳而稱之奎敢置一喙于後夫惟先生身在廊廟功在朝廷名在天下趣在山林祉在孫子其所履歷臺部能遺之國史能書之夷夏能畏之里社能尋之橫金紆紫能世之廊廟之身盤龍貂蟬也朝廷之功軍中韓范也天下之名司馬相公也山林之趣香山居士也孫子之祉謙庭芝蘭也今其已矣

項襄毅公實紀卷之四

十五

二二七〇五

聖天子追念之盛典之行恩意之茂所以優禮先生於地下固自不謬此蓋先生為天下社稷計者能究其衷天之所以鼎德報功者固若是富也嗚呼歲徂月侵恩葬將臨奎雖平生兩獲瞻拜亦不能不緬念于來今前輩舊德韶濩遺音敬懷之積與日俱深薄奠之具用將其心

南京國子監助教張祐

惟公曹華樵李秀孕嶽嵩淵源之學釋褐早逢
經濟之略乘時奮庸都臺重寄迪簡在公表儀
百辟芟剪羣兇荆襄陝右咸席幘幪位專司馬
權握兵戎塞草抽綠狼煙熄紅奠安邦土潤澤
疲瘵伊傳良弼周召元功

聖明鑒之寵遇益隆時方倚毗志決明農春秋八
十髮鶴顏童優游金紫洛社耆翁奄有諸福疇
與之同矧多賢後克紹竒蹤武陟錦衣文耀花

功襄毅公實紀卷之四

十六

二七〇四王

驄尋登五馬千里春風文公德教警策頑聾走
以駑鈍初署鬻官叨居下屬幸與涵容佩茲盛
德如冒蒼穹寔公餘福爰及微躬揆厥所自情
曷有寤緘辭寄奠庸表曲衷雲山限迹心路已
通公如茹納廣遠愚悃

嘉興知縣洪範秀水知縣譚溥

惟公之生也當貞元會合之運而出也遠天下
多故之秋方壯節之峻發遭醜虜以陷留既全
璧而返旆遂寵擢而日優西署流聲外臺著績

天下仰風采而如渴

當宁期柱石於夢求用是進階都臺授節師閩蕩
腥膻於汧渭驅狐鼠於荆丘暢德威而遠服妙
闔闢而全收故西人懷公如老范之再出北陲
仰公為子房之匹儔方隆乎毗輔之任匪直乎
司馬之鼎顧權嬖之無忌嘆萋斐于何尤衆方
駭乎屹立公遂勇於退休仰浮雲於倏忽登佳
境以優游雖湖山以自憇猶廊廟之惟憂胡山
摧而梁折遂雲逝而天游追元勛而 宁悼隆

項襄毅公實紀卷之四

十七

三九十五

微謚以發幽衍世秩於諸彥宜寵恤之惟周嗟
老成之不再悵四海而曷求顧後生其來晚叩
光範之無由惟高山兮仰止竊幽香而敬修

嘉善知縣劉子厲

惟公將相之器文武之才早發身於甲科遂馳
譽於西臺歷陟憲司賑恤民饑瓜期已及民庶
遮車迺陟都憲振肅綱紀再翦逆胡親冒弓矢
帝心簡在置公幃幄運籌發策公力尤侈何以錫

之金寶文綺何以厚之祿及孫子功成引退保

身惟括百歲厭世寧神以息子厲等泰職茲土
景慕曷勝式陳薄奠用表微忱

崇德知縣梅珂

公以魁偉奇特之才際重熙累洽之世歷事

五朝受知四帝豹略龍韜威震邊冀厥功懋

哉邦家屏蔽鐵券金章光昭來裔厥福隆哉山

河帶礪其生也則民有父母國有著龜君子有

所恃而小有所畏其沒也則朝無稽疑人無

仰庇君子則以無與為善而小人則沛然自以

項襄毅公實紀卷之四

十八

二五八十三

為得計一生一沒關係匪細嗚呼哀哉彼蒼何

為德星奄墜明詎有聞慟悲罔既爰有炙鷄

可以薦爰有絮酒可以酹非以哭吾私實為天

下祭

翰林院學士陶安五世孫縣丞陶瓚遣子庠

生華

惟公之生間世英豪蜚聲甲第歷署刑曹尋顯

都臺再登司馬位絕臣鄰名振華夏盈滿懼履

肥遯早謀桑榆榮晚林泉孰儔賢嗣踵芳有文

有武文守姑孰作我父母龔黃德澤溉沃人心
民之夢戴如席陽春爰念我祖 國初首輔荒
塚遺文輒興慨慕度材鳩工修拓鏤傳表功彰
德誰與之賢幸遇斯隆幽明感激欲報之私吳
天罔極仰公仙逝奄忽經秋竟苦衰朽匍匐無
由豚犬遠馳藻蘋式薦哀情孔深公其昭鑒

姚玉

猗嗟我公一代偉人忠毅諒直特立嶙峋文事
武備殫心經綸出將入相克樹奇勳聲威赫赫

項襄毅公實紀卷之四

十九

三〇七二

華夷震聞拂忤權倖振衣乞身水雲有莊鴛湖
之湄逍遙容與永年怡神 溫詔進階寵命維
新二嗣並顯金紫其芬壽且得考百福咸臻含
笑入地德配蒼旻

天子明聖哀念舊臣追贈三孤官其冢孫錫謚錫
葬設祭載陳 恩典備至誰其擬倫酌此桂酒
薦彼谿蘋載灌載獻裡告英靈願言鑒格少駐
雲軒

沈呆

惟公威德鎮乎西陲肩千載范韓之譽功名垂
於後世載一時班馬之文 恩加宮保之隆行
協太平之謚褒崇昭夫令典葬祭給夫上方可
謂生榮死哀非後學小子所能溢美者矣獨荷
不遺貧賤獲締姻連雖變故之靡常每眷存之
罔替於茲執紼誠切痛惶庸具一觴恭伸祭告
惟靈不昧庶歆享之

呂浩

嗚呼公之生也有聞于當時公之沒也有傳於
後世是固天道之培植夫豈人力之可為蓋其

器質之深厚輔以學術之精微故議論文章爛
若繁星麗日之輝映功名事業狀如輕車驟馬
之奔馳天啟其始而折衝經濟之略實大其施
雖其終也迍邐困躓而自有不可掩者又在乎
公議之是非若其剛大之氣正直之節至老不
衰則其英魂靈氣不隨物腐而長陟降於吳山
之側浙水之湄嗚呼世有豐於前者畜於後得
於彼者失於斯此固造物者之所靳也公也豐

功茂績歷歷可追惜其舍垢汨沒於生前報功
崇德事事不遺迺能昭灼烜赫於身後又況其
祖孫三世金紫相輝衣冠文武前擁而後隨則
其富貴福澤流芳久而傳世遠也夫復何疑浩
等鄉邦後進素嚮慕而瞻依繫官在朝實心往
而神馳念公之不可復見胡不涕泗而歎歎



而麻... 公... 不... 復... 見... 胡... 不... 涕... 泗... 而... 歎... 歎
事... 賦... 公... 不... 復... 見... 胡... 不... 涕... 泗... 而... 歎... 歎
其... 言... 公... 不... 復... 見... 胡... 不... 涕... 泗... 而... 歎... 歎
金... 紫... 相... 輝... 衣... 冠... 武... 武... 前... 擁... 而... 後... 隨... 則...
不... 復... 見... 胡... 不... 涕... 泗... 而... 歎... 歎
其... 舍... 垢... 汨... 沒... 於... 生... 前... 報... 功...
崇... 德... 事... 事... 不... 遺... 迺... 能... 昭... 灼... 烜... 赫... 於... 身... 後... 又... 況... 其...
祖... 孫... 三... 世... 金... 紫... 相... 輝... 衣... 冠... 武... 武... 前... 擁... 而... 後... 隨... 則...
其... 富... 貴... 福... 澤... 流... 芳... 久... 而... 傳... 世... 遠... 也... 夫... 復... 何... 疑... 浩...
等... 鄉... 邦... 後... 進... 素... 嚮... 慕... 而... 瞻... 依... 繫... 官... 在... 朝... 實... 心... 往...
而... 神... 馳... 念... 公... 之... 不... 可... 復... 見... 胡... 不... 涕... 泗... 而... 歎... 歎

輓詩

曾向邊陲督戰爭節麾到處武功成生前已進兵
卿位沒後今加太保榮薊北無緣趨紫殿浙西有
地葬佳城掀天事業難磨滅都付如椽史筆評

戶部尚書西鄆侶鍾

霄漢飛騰四十年老成才望讓誰前廟堂已展經
綸手文武還兼將相權馬援聲光垂百粵仲淹憂
樂繫三邊如今生死真無媿贈謚新恩況兩全

禮部尚書盱江張昇

項襄毅公實紀卷之四

二二

頁八

早經多難晚乘危武略文韜衆所推事定襄南無
杜預功成關右出韓琦百年偉績歸金匱一代清
聲載口碑老我名曾污薦剡重翻章草不勝悲

兵部尚書華容劉大夏

樵李山川久孕靈兩朝元老著芳名襄陽邊慶
羊公石關峽威風范老兵請劔上方曾別蠹挂冠
神武遂歸營平生事業知多少試看墳前太史銘

刑部尚書吳興閔珪

才俊飄飄執法公能文能武濟時雄三朝望重

威聲遠八座官高寵任隆多少甲兵胸次裏輝煌
事業汗青中林泉瀟洒仙遊後共說 皇恩卹典
崇

工部尚書彬陽曾鑑

記得堂前待判時蒼髯朱紱漢官儀立 朝風采
三當軸破賊聲華兩出師歸與青山聊作主老看
白日更無私也知者宿 恩光重八尺新栽墓道
碑

南京兵部尚書河東韓文

項襄毅公實紀卷之四

二三

音五

幾夕南躔暗德星老成人去想儀刑 三朝節鉞
無邊患一代勛庸有鼎銘雲散太空春兩足身歸
清漢夜箕熒麒麟他日看圖畫猶擬威靈鎮朔庭
戶部左侍郎華容王儼

一騎南還自虜庭天留才杰佐 皇明臺端執法
朝綱正閫外專誅 國難平歸去蒼生皆缺望老
來綠野足怡情莫安社稷殊勲在身後重霑 卹
典榮

禮部左侍郎海虞李傑

一代勛勞尚幾人有如公者果能臣荆襄坐奠流
民業沙漠生還報 國身晚節浮言終自定易名
公論已全伸宵衣正爾煩西顧清嘯誰堪靖塞塵
禮部右侍郎台南謝鐸

出入 三朝社稷臣勛名端可画麒麟一封懇切
誅奸疏百戰間關報 主身高卧海濱周大老清
風林下晉閒人 九重聞訃憐忠切 卹典頻頒
寵渥新

禮部右侍郎餘姚王華

項襄毅公實紀卷之四

二四

三九十一

大臣謀 國與身妨前董儀刑朕不忘論事諫書
存史冊出師功業著邊疆誰云俎豆非軍旅我識
江湖亦廟堂寂寞宣公千載後有如襄毅可增光

刑部左侍郎東湖屠勳

浙海英靈出鉅公四方否泰繫窮通子卿節義華
夷重范老才猷氣味同千里提兵銷外患幾番抗
疏挫奸雄九原已矣嗟何及喜有賢郎繼父風

工部左侍郎湯陰李鏞

黃榜當年早擢魁文韜武略冠羣才天涯屢見平

夷出塞外曾聞仗節回方喜六師歸掌握未應尺
璧點塵埃層霄月霽陰霾散笑歛衣冠入夜臺

工部右侍郎泰和張達

英雄冠世屬天生四十餘年將相榮草木有生皆
被澤閭閻無處不知名青山入夢意偏遶白髮催
人樂易盈 聖主報功 恩禮重西風回首不勝
情

右都御史勾餘史琳

袖中諫草衆不與閫外勲勞誰可同禍出權奸公

項襄毅公實紀卷之四

二五

三、十八

議在沒榮宮保 國恩隆三春郭外餘花事千古

江南激士風若為捨人悲世道忍題短些託冥鴻

副都御史桃林何鈞

景仰高風盖有年儀刑端可繪凌烟伊周事業追
先古韓范勛勞頌遠邊文武一門光樵李忠良千
載煥青編堂空綠野間雲滿遮莫清芳遍八埏

僉都御史瑯琊王璟

西浙山川產俊才一生功業鮮追陪堂堂偉望兵
刑省凜凜英風內外臺抗疏遂令奸黨戢奮忠曾

殄虜首回兒孫踵美階文武 卹典褒崇百世詠

通政使東吳沈祿

耆英高會興方稠間氣那看一夜收兵甲已寒西
夏膽尚方還請佞人頭精忠肯忘 君臣義經略
能分社稷憂載讀豐碑成懊恨如公何事不封侯

通政使涿郡田景賢

天挺英豪國老成才兼文武世長城早年策獻三
十字壯氣曾藏十萬兵扈 蹕塞邊逃虜難建麾
陝右協民情敷中歷外人皆仗討北征南地悉平

項襄毅公實紀卷之四

二六

二九六

勤事 四朝功績茂尊居八座 寵光榮正扶白

日臨寰宇却恨浮雲蔽太清獨立敢言除鼠輩羣

讒萋斐謗蠅聲身歸井里心無媿 詔復官階事

益明令器並膺金紫貴老懷獨結竹松盟陰陽不

肯停雙轂夢寐俄驚奠兩楹 恩及存已深且厚

名垂方策死猶生愚蒙昔幸為官屬感舊傷今淚

滿纓

大理寺卿四明楊守隨

忠勤為 國不辭難言忤權奸拂袖還千載功勳

韓范上半生事業楚秦間
騎箕忽報仙遊遠
仰斗空瞻几座間
拜吊風前重回首
嘉禾斜日慘胥山

翰林院侍講學士仁和江瀾

族蕃稱汴邑嶽降是松陵
國難平城地身羈大

窖冰英聲婦益振要路薦頻登
最後官秦久連饑
借寇曾闡分 天子所師吉丈人
憑羯虜終成縛
蠻荆亦漸懲凱班弓矢戢
勲賞廟廊升疾惡招羣
妬除名荷 聖矜老傷蕭相繫
門讞翟公匆姦佞
誅殘盡忠誠壽考增 恩方賜環
及悲乃蓋棺興
在已嗟凶吉騎箕信上騰
卹章隆往昔世祿裕
昆仍綠野思裴度通家泣李膺
九京非玉碎千載
又金滕墓石 絲綸賁丘山
紫翠凝

南京太常寺卿九柏呂憲

劒氣雄才未可攀
幾年稅駕卧東山人間
難得姜公壽塞上曾聞蘇武還
勲業半生存社稷
鉤鈇千古恨權奸仙踪已去遺
佳傳良史應須次
茅刪

左通政使東魯陳勗

生平忠義仗蒼天
不朽名題太史遷
威震華夷留

望重柄兼文武憶才全夜臺夢化莊生蝶春樹聲
啼蜀道鵲嗟我後生懷感處吟成楚些淚潸然

右通政使曲沃李浩

一代人豪間氣生蒼天有意眷 皇明生還闕下
蘇卿節坐擁關中范老兵邦政已歸司馬掌家居
不改歲寒盟訃聞 當宁興嗟悼襄毅應垂百世
名

大理寺少卿廣東張泰

往歲乘驄過浙江接公儀表我心降兩持節鉞能
項襄毅公實紀卷之四

二八 二九

平寇獨搏豺狼欲正邦位壽崇高人有幾肝腸忠
烈世無雙訃聞 當宁恩優渥立傳詞臣筆似杠

大理寺少卿潮陽吳一貫

功高九伐重 三朝為避浮名納珥貂花氣暖隨
春半展湖光清泛月中橈心盟且合尋魚鳥世事
真宜付鹿蕉身後殊恩崇贈謚政將公道息煩囂

通政司右參議雙谿熊偉

一夜文星墮紫薇江南士類復誰依 綸音累荷
生前寵 卹典新增身後輝竹帛流芳天地老弓

暉
表奕世古今稀茫茫馬鬣封何處千載松楸照落

通政司右參議文登叢蘭

細讀尚書傳方知百鍊剛提兵收北楚建策破西
涼潞國名稱宋汾陽德在唐豐碑多 帝澤字字
發幽光

大理寺丞范陽鄧璋

國老云亡更典刑 先朝史牒著威名彤庭奏對

三千牘紫塞橫連百萬兵江水東流春雨足夕陽

項襄毅公實紀卷之四

二九

二五十六

西下夜潮生書香此日無邊限五內分崩五馬驚

吏科都給事中黎陽王洧

為郎薦歷大司馬直以忠勤結 主知身似子卿

歸國日功如范老按邊時官階再復天終定丘壑

深藏迹亦奇却憶少年曾識面楚歌聲裏動遐思

兵科都給事中瀛海屈伸

欲薦香蘋酌九京聽談遺事淚縱橫功高南楚師

先捷名重西羌勢就烹白髮上卿真柱石青山歸

老亦 恩榮一封疏上羣躬退獨有英風壯太平

吏部考功司主事楊子器

淒風起江濱何處招忠魂
勲華著南北尤未殫所
存蠢茲夷虜孽迄今猶
膽破官列八座榮滄江
早歸卧誰謂取諧人使
教食豺虎白日蔽浮雲
直道空自許身死名不死
九原知不知安得蔡中郎
為刺有道碑

刑部郎中姚江毛實

一代文勲謝老成題詩聊以慰英靈
觸好奇氣凌今古靖亂雄風散海瀛
唐室子儀堪並美宋家彥博可齊名
獨憐鄉社衣冠冷揮淚江城感慨生

項襄毅公實紀卷之四

三十

三月五

福建僉事同郡戴祐

天祐 皇明篤生豪傑文武兼全
皋夔稷契名公篤生質粹氣清
妙年登第早沐恩榮拜官刑署

扈 駕北伐虜地遄歸功名迅發
兩居臬副一握憲符聲華烜赫
遂擢貳都時乎用兵奮搃威武
錫

賚煥頒允協巡撫毛虜犯邊滿
達搆謀天命徂

征殲厥渠首露布星馳喜動
冕旒遵勅便宜

屢陳邊利班師 陛見留總臺事
水淹畿甸賊劫

屢陳邊利班師 陛見留總臺事
水淹畿甸賊劫

荆襄乃往巡視乃勦強梁于活萬民于靖一方用
陞司寇旋轉司馬 朝廷倚賴奠安宗社夫何奸
黨糾結擠排日月薄蝕浩歌歸來雲開霧散冰泮
火熄太陽麗空頃復原職進階極品優游林泉山
中宰相地上神仙為訓子孫弘敷家教二嗣腰金
一門光耀詩詠螽斯易演同心經學相傳盛族如
林福壽綿遠八袞又二起居無恙奄然長逝厥子
奔喪訃音 宁聞追念耆舊 卹典加勤寵以葬
祭贈以儲輔謚曰襄毅實出異數稽古勲臣合祿

項襄毅公實紀卷之四

三一

三十三

後昆流芳信史億萬斯春山崩星隕水流花謝天
不愁遺梁木其壞 國之典刑世之達尊歷事
四朝名滿乾坤嗟愚生晚魯莽滅裂備員執法累
荷啟迪儀容莫覩我心孔悲撫拾成語庶侑厥思

四川僉事同郡梅江

聖代昌期永乾坤景運亨嵩高鍾瑞氣昴宿孕元
精誕毓巖廊器操持造化衡才華由夙賦德量自
天成早達青雲路旋膺紫綬榮驥馳千里足鵬奮
九霄程斲握藩司柄綏懷遠檄氓豺狼咸遜跡枯

橐盡回生憲府尋遷陟臺綱藉振宏峩冠肅軒陛
簪筆掃攬搶土達俄猖獗邊郊騫震驚僉云誰可
靖公曰我當行霜月明戈戟風雲擁旆旌指麾行
部整叱咤虜塵清機略謀孫武籌謀邁孔明兇渠
俱剪戮殘孽競奔傾關陝烽煙息荆襄盜寇平按
圖歸版籍驚世得長城奏凱承殊渥論功列上卿
刑曹持國禁武部統戎兵霖雨蒼生念鹽梅寶
鼎羨朝廷尊懿範寰宇仰高名為國方除蠹
漕讒額解纓平泉開別業綠野建新楹秀水當門
項襄毅公實紀卷之四

遶佳山隔座橫春風隨杖履夜月泛杯觥子姓多
金紫孫曾總俊英三餘真自樂二豎忽相嬰洛社
空遺跡香山竟罷盟崇勲歸物論舊德重朝評
贈謚恩偏厚褒嘉典不輕死生真不忝出處一
何貞念昔相知久深蒙顧愛誠常承懸榻待每辱
降階迎司馬門前路山陽笛裏聲無窮追舊意聊
托短章鳴

漳州知府同郡姜諒

山河正氣竟何依汗簡芳名萬古垂足底蒺藜歸

漢日曾中兵甲定秦時平沙碧草空殘壘古木黃
鸝有舊祠頭白書生雙劍在參從無地有餘悲

漢陽知府同郡馬輿

有美哲人逝云何不慘情事終思國老棺蓋定鄉
評黃髮今流譽青年昔建名二旬攜俊彥三百步
蓬瀛清水劍鋒淬白雲郎署生風迎千里駿霜急
九霄鷹 扈從甘勞殉難危脫賊營心蘇無避地
影滅少完形全節歸 朝命蒙 恩授職榮出司

風紀峻指顧為澄清入長蘭臺重網維聿振興踈

項襄毅公實紀卷之四

三三

三百十五篇

通卑俗學達變有曾兵定計無堅壁完師收石城
折衝在尊俎談笑下蠻荆破膽韓琦敵全才吉甫
并 寵加司夏典材大薄秋卿咫尺鈞衡秉無何
導沓傾哆芳成貝錦營矣集青蠅奉已甘恬退知
天亦惡盈 廷評已藻鑑鄉集且耆英馭世逾中
算乘虬溘上征龍光自天降 恩典及門迎子姓
兼文武封胡總玉瑛豐碑拔地起青史照人明身
後榮名遠千年竟足憑

楚府左長史同郡朱綬

桓桓司馬希世才功名可比唐之裴蚤年一第驚
春雷入官郎署羣雄推陷虜有智能獨回將來享
福天所培秩遷階轉肅政臺治民數萬忘饑災將
相弘業此胚胎邊陲孽豎驅浮埃一掃洮岷安草
萊二掃石城拯民頽三掃荆襄慰招徠大功聳立
聲九垓天子念功奮獨裁封拜錫予無疑猜尚
書便立至三台兼資文武誠竒瑰一子賚官拔將
材一子登第仍文魁人間全福公何哀名位祿壽
公所該權奸陰中公若隕直詞勁氣威難摧鄉邦
壽俊日銜杯歲寒忽已二十梅一門雙職錦繡堆
天不勅留公莫回有孫更是人中依文章事業方
丕恢集公衆美懼未該吾詩豈敢珠玉陪高山仰
止憶昔猿續貂臨發猶徘徊

泰安知州同郡戴經

文武全才列上公上公仙去漢庭空 四朝元老
擎天具百戰安邊盖世功底柱風波扶正氣挺身
虎豹敢先鋒明裡贈謚 君恩重延賞雲仍孝顯

知州李楠

功名蓋世忽沉淪
籌策匡時不復陳
昔掃犯邊戎
虜寇今亡柱
國股肱臣
倚廬孝子聲
號慟結社
耆英淚洒頻
明日封章聞
聖主應圖真像入麒麟

通判徐春

元勳碩德荷褒榮
歛恤存心愜
聖情襄鄧撫民
施惠厚平涼
伐叛奏功成
龍章婦老延遐福
鶴髮尋閒樂太平
文武一門俱宦達
孝誠踊泣看碑

頌襄毅公實紀卷之四

三五

三五六

銘

封刑部主事海昌祝淇

一從簪笏立
朝端次第康
侯晉馬恩
手上雷風
泣神鬼
胷中兵甲
衛黎元
蛇龍自蟄
歸南土
鎖鑰
長思鎮北門
事到蓋棺
今已定了
無遺恨
更何言

訓導湖湘鄒璣

記得初年虜勢橫
扈隨大駕出親征
羈身北困
分一死
挾馬南歸
猶再生
殊錫人皆登
顯要盡忠
誰似峇昇平
於今欲問尚書履
除聽靈風悽愴聲

訓導同安魯敏

威名赫赫老臺臣定國奇勲邁甫申青海月高
身燾冷紫宸恩重玉書頻掃清沙漠數千里全
活黎元億萬人莫道將垣星已墜凜然生面在麒麟

訓導同郡賀榮

當代名公第一流匡時事業已全收安邊謀略齊
韓范濟世文章並陸歐綠野年來閒自樂黃梁夢
杳竟僊游先生大節終如始汗簡流芳朕不休

項襄毅公實紀卷之四

三六

三百五

宿松殷浦

大節孤忠誓不遷大冬松柏此剛堅師貞利禦門
庭寇材老能兼將相權氣復山河終有主身騎箕
尾直歸天從今有志來相問碑碣煩看墓道前

川北張貫

如何先後渥恩隆更復山河誓始終元帥威加
回紇久中郎心不李陵同哀歌謾挽人千古遺棠
曾看疏議通聖代春秋多秉筆未知書法斲誰

公

順德伍常

早列郎官佐 聖朝虜庭扈 蹕幸全生荆襄寇
伏陳平計關陝烽銷范老兵百世生祠昭德業千
秋汗簡耀勲名榮看埋玉鴛湖上鳳誥龍章日月
明

指揮江東田震

讀從高祖襄毅公實錄賦詩一章

我祖襄毅公益仕總機營

英廟駕北征乃顯扈從功脫虜徼天幸潛達宣府
墉觀察治全陝四野繞飛鴻矯詔畫便宜俯賑

項襄毅公實紀卷之四

哀辭終

三七

兆民窮關中地斥鹵鑿渠引利弘超遷撫迤鎮
滿四煽雄鋒公請勿進兵無何媿孽工相持合
內應虎貍率服從迨至荆襄旱勞來勤禦捍天
災逢歲祲會陳星紀變妄殺來浮議蒙恩宣內
院草疏劾奸黨邪正如冰炭舉朝咸快意落職
愈泮渙久之物議明君側已澄清旋思廷辨日
生死不移情偉哉

先皇哲崇報侈鴻旌末裔欽瞻仰永永喬木聲

玄孫德成恭述

項襄毅公遺橐目錄

文

陸宣公奏議序

項氏宗譜序

房屋祠堂記

涇陽廣惠渠記

楞嚴寺記

與碑記小異並存

重修長生道院記

翠筠記

項襄毅公遺橐目錄

南安府同知竹坡施公墓誌銘

祭竹坡施公文

永一府君像贊

庶祖母沈節婦像贊

寓襄陽戒子弟書

文敏姚公像贊

析產訓二

壽日訓後書

詩

五言古一首

七言古一首

五言律六首

七言律十一首

五言絕句二首

七言絕句十四首

項襄毅公遺藁目錄

二

四十一

項襄毅公遺藁目錄終

項襄毅公遺藁

玄孫德楨彙

文

重刊陸宣公奏議序

文章之作以理為主氣為助辭為尚夫以理為主則推本仁義而不流於虛誕氣為助則嚴毅剛正而不至于委靡理氣既備而無辭以粉飾之何以重當世而俟後學哉古今文章體制不一三代以上渾渾噩噩不可尚矣三代以下若漢之董賈唐之韓柳宋之歐蘇皆有文章鳴于世至如奏疏獨

項襄毅公遺藁

二百九十四

稱唐之嘉禾陸宣公歷千餘載盛行而不泯者何哉蓋宣公當德宗鑿輿播遷之日從狩奉天隨事納忠盡情論列故其奏疏炳若丹青至於論輕重之權破反道之說明天命人事之義辨治亂得失之由陳備邊之六失節財賦之六條求其要必欲引君於當道也以至制冊詔誥何啻數十皆辭嚴義正動中事機得非辭理兼備而以氣為助者歟宜乎愈久而愈不泯也先正謂立言而朽君子不

為蓋有由爾公之奏疏制冊詔誥舊有板刺藏諸書院年久剝落之甚雖印流四方觀者病其訛而嘆其帙之不全近有順天延公祥以練達之才堅清之操用輿論廷薦知守是邦乃於下車之初首訪民瘼崇尚文雅政務之暇訪求奏疏善本嚴加考證訛者斥之闕者補之與同寅同府侯公康遠通府鄧公鏞韓公礪推府莫公暹各捐已俸重繕諸梓命公之胤陸頡收掌以永其傳屬予序弁諸首予踈陋寡昧無竅理之學閱博之見何敢以序

項襄毅公遺藁

二

三十四九四

然以郡守表章賢哲盛心不可不白義難以辭竊惟有一代之君必有一代之臣君非臣無以成其治功臣非君無以顯其事業必有君有臣然後得以相須也嗟夫自古有賢明之君而不遇忠良之臣者固多間有忠良之臣而不遇其君者亦有矣若宣公之輔德宗不以其君不足與為善而能盡事之之義誠為人臣之表式如觀奏疏可驗矣或者謂唐之賢相獨稱房杜姚宋而公不與何在蓋房杜當太宗開創之初委任不疑故得展其底蘊

以成貞觀之治姚宋遠玄宗勵精之始禮貌大臣
故能弘納諫諍以成開元之功至若德宗之專欲
猜忌用舍乖張如延齡以欺罔而寵擢公輔以直
諒而左遷李齊運以柔佞為常伯韋渠牟以辯給
為補遺雖陸公論諫之多十無一納殆孟子所謂
一薛居州其如宋王何者與若俾陸公遭遇太宗
玄宗之君則房杜姚宋不足為也故品論人物當
夷其行原其心考其時何如焉耳何什一遂廢千
百哉予非能文姑述公之文章相業之盛君臣相
遇之難以塞末屬若公之出處始末之詳備載史
冊其歷代暨

項襄毅公遺藁

三

三百一

復贅

宗譜序

宗法廢而譜牒興所以教民不忘本也吾祖贈君
有疾將易箆時語忠不及他事惟以先世譜牒見
囑忠雖在童卯服膺不忘既而叨登甲科歷官副
郎時正統己巳會宣府巡撫羅公亨信出示譜牒

見之可重遂錄於笥中尋陞廣東副使修緝成編
分散堂叔序璐壁第萱質文姪昌示不忘也成化
丁酉遭讒還家詢諸弟姪止遺一帙前後罅漏不
復重纂嗟夫吾祖詩禮傳家子孫不知所重其能
克繼乎哉舊聞項氏自漢以來世家洛陽項家巷
後世子孫有諱晉者仕宋為大理評事宋高宗南
渡扈蹕而來僑居嘉禾之胥山嘉禾項氏自茲始
再徙城中族屬浸盛然以元季兵燹譜牒散逸無
從追考姑以一府君為始至忠甫八世仍以本
支子孫分繫其下倣歐陽氏譜式而為之圖使他
日以世繼世雖百世而不紊然五服之外親盡則
服盡不能無親疎之別勢使然也歲時伏臘族人
咸集發是譜而觀之族屬雖繁究其所出乃八一
府君一人耳蘇允明所謂孝弟之心可以油然而
生忠今日家譜之作意亦在是其有不能體忠之
心者非項氏子孫也

房屋祠堂記

任湖廣孝感縣縣丞祖邦字景亮永樂初亢與弟

恭同居置有家廟神厨祭器遭不肖子孫瑄琮不克守佃之徐姓者今幸弟丈長子紀光復洪熙改元祖復置房屋非谿橋東今讓弟質充拓厥基旌表太妣沈氏之門是也成化甲午開創新居男經孫鏞次第增置前後廳三間廳後樓七間弘治丁巳建神堂家廟寘于廳之東南隅弘治戊午樓後空地疊山山後建樓週遭平屋百楹傳之三代纔得就緒嗟予居官六十年壽八十始得成家蓋亦難矣不得不述始終本末以為子孫告也仲男綬

項襄毅公遺藁

五

三〇卅一

自荆門第視彼十數年前家道就亨不啻天淵之隔誠恐後之子孫不知成家之難輕忽不加修理焚祝祭掃難保悠久不墜尚克念哉

涇陽廣惠渠記

書載六府以水為先渠堰之修正欲興水利以足民食故予於鄭白渠不得不因其壞而謀衆重修加意而開廣之也按志鄭白渠在涇陽縣北七十里仲山下原有古跡洪堰一所分閘涇水以溉田畝自秦而下鑿者不一故渠名亦因而六變惟鄭

白渠獨加顯焉其曰鄭國渠者蓋六國時韓苦秦
害乃使水工鄭國說秦鑿涇水溉田故名鄭曰白
公渠者蓋漢涇河被水衝低水不能入渠大始二
年趙中大夫白公穿渠引涇水首起谷口尾入櫟
陽注渭中溉田故名白謂之六輔渠者漢兒寬為
左內史請穿六輔渠以益溉鄭國傍高卬之田遂
名謂之豐利渠者宋大觀中召開石渠䟽涇水入
渠者五尺下與白公渠相會工畢而賜名焉迨元
至大元年涇河又低水不能入渠監察御史王琚

項襄毅公遺棠

六

三百四九

又於上流接開石渠故名為王御史溝又名新溝
然此六渠也歷代澆灌醴泉涇陽三原高陵臨潼
櫟陽雲陽富平八邑田土多寡不一鄭國四萬餘
頃每畝收一鍾漢萬二千七百餘頃宋二萬五千
七十三頃至新渠莫詳其數而世以為利者若此
元後至于今河底低深渠道高仰水不通流廢弛
湮塞幾百年矣予昔忝臬司之長今叨巡撫之寄
歷官久此竊思茲渠能仍舊跡而䟽通之則前人
之功庶保其復續而今之為利得不同于昔邪遂

詢謀僉同而其實以聞

上可其奏命下之日予檄醴泉等六邑蒙水利人戶於彼就役之先以右布政使楊公璿董其事未克成而陞任去復以右布政使婁公良右參政張公用瀚余公子俊按察副使郭公紀左參議李公奎繼之務畢其功有底於成然後渠通水行功克就緒矣考之疆界不異於昔計今溉田有司則八千二十二頃八十餘畝西安三衛屯田則二百八十九頃五十餘畝每畝收穀三四鍾比舊田畝蓋

項襄毅公遺藁

七

三百九

減其數穀視昔有加者得非民有斯隱畝有濶狹抑古今水有消長或因兵燹坑阜之不齊與是皆未可知也急則慮軍民弗堪在繼政者賦不加增徐細考焉今渠成二司諸公屬予取名為文以紀其實嘗聞前人相視斯渠其說有三一曰盡修渠堰之利二曰復置板閘之防三曰開通出土之便今渠修矣土通矣但板閘之防不可不加意焉蓋駱駝灣百餘步渠身兩壁開鑿砌口二道當時設此恐遇涇水暴漲及洪堰倒塌之時即下此閘以

備濁水淤澱渠道平流一閘在退水槽近下十步
渠身兩壁亦有砌口四道蓋住罷澆田之後水既
無用遂閉此閘退水還河又當河漲之時或洶湧
之浪不能猝下或已下而散漫用防不虞此皆古
人良法不可廢而不講今二司又將各閘移修以
時開閉則濁泥不得入渠疏通之功可以減半迨
今而後雖天不雨而有蒙雨之休雖地不利而有
得利之美隨所意用自無不足則吾軍民之仰賴
何可既邪故名曰廣惠後之繼政者時加修葺可
保悠久否則予不敢知也

項襄毅公遺書

八

三百廿

楞嚴寺記

記曰郡西北百餘步北鄰城址地勢爽塏林木蒼鬱
石橋流水似不與人境接據城中最勝處為楞嚴寺
按志宋嘉祐間邑人鈕咸捨地為伽藍殿熙寧間高
行沙門永智講楞嚴殿中天雨花瑞雲合蔡丞相書
楞嚴寺字遺之遂額焉迄我

朝住持道黃智覺輩相繼葺新克績于成規制雄麗
像貌莊嚴視舊有加其徒覺一丐記以垂不朽

予謂浮屠氏子人之子惟以道為嗣有其室而廢其道猶傭居也夫道者性也了性則道成嗣的要

不崇宮室嚴像貌為賢而迷途悵悵無所覺悟者或入室觀像而敬心生坐進此道故浮屠之崇宮飾像有取於導人為善而非觀美云也為其徒者能由此相繼克自振振於道而又修持其師之所崇飾度不肯浮屠氏之法也

與碑記小異

楞嚴寺重建佛殿碑記

浮屠氏居闌闔幽僻之境儼然城市山林者吾郡

項襄務公遺棠

九

三〇廿三四

楞嚴寺其庶乎南距郡治百餘武北鄰城址地勢爽塏林木蒨鬱石橋流水似不與人境接據城中最勝處也按郡志所述開拓于大宋嘉祐間民人鈕咸捨地為伽藍殿熙寧間高行沙門永智講楞嚴經天雨花瑞雲合丞相蔡公書楞嚴二字遺之遂額焉迄今五百年根運興廢莫知其幾入我

朝泰運隆平以來四方列國遐陬裔壤寺之仆者興絕者復僧善修遭逢之盛畚礫掃穢寺復興矣厥後住持者甲乙相授受宣德甲寅道莫主之建

殿宇新佛像莫之功著矣繼莫者淨蕙也有繼述
之能成化己丑建金剛殿於外構雨花堂于殿之
震位復舊規也蕙之功大矣蕙所度弟子曰智覺
補席以來慨然以興復為己任常告師曰殿宇朽
腐不能易而葺之金碧漫漶不能易而飾之嗣者
寧免尸位之誚邪由是師弟子一倡一和罄捐已
橐兼哀衆施市材僦工營繕之事聿興適蕙遷化
矣權輿於成化辛丑宰制裁割一出於覺仔肩勞
勩同心協力贊襄者覺之弟子真顯文琳也閱三

項襄毅公遺藁

十

三五四五

寒暑至成化癸卯克績于成規制雄麗宏敞視舊
有加髹彤藻繪燦霞煥日月相莊嚴金碧晃耀香
花供具備完無闕中宮允位復立方丈若干楹厥
功懋哉覺一日致禮求記於予伐石以垂不朽欲
使後嗣者知所自予謂浮屠氏子人之子惟以道
為嗣有其室而廢其道猶傭居也夫道者何明性
也性明則人人皆佛要不在崇宮室嚴像飾而愚
迷俵俵無所趨鄉或有觀其像而敬心油然而興
而至於善故浮屠氏崇殿宇嚴像設豈徒為觀瞻

之美皆有取於與人為善而已雖然縱非其人墮廢而墟焉者有之望其振起墜緒或未可得尚何望傳道明性而底于成者乎繼覺之後者或因此而憤然振拔有為吾之言不為無徵覺之功有足書者庸記之以昭夫將來

成化二十三年撰

重修長生道院記

按嘉禾志書本院在縣東二里許趙宋時初都於汴至十帝高宗為金所迫南遷臨安藝祖七世孫秀王偁扈駕至嘉興留寓縣治東生子伯琮於時

項襄毅公遺藁

十一

二五十五

異香滿境紅光燭天人皆異之建炎年間王室宗嗣未定咸以伯琮為言遂起至臨安育于宮中立為皇太子賜名璋更名脊受內禪即帝位遂以所育地建浮屠寺樹石於門左曰流虹聖地右曰興聖之寺度僧以為香火院朝夕焚修說者以為祝延聖壽陰翊皇度宜兼釋老二氏于是復建道院于左而以道士主之是為長生道院未幾復毀于兵更遷春波門內正一嗣教天師為書院額且鈐以真人府印額今尚存此長生道院之所由建

也迨及我

朝歷年既久日就傾圮正統己未嘉興所百戶沈育良偕大理寺評事浦會川與前住持道士吳正常協力重建玄帝正殿山門方丈厨室及聖像一完時徒嗣錢宗瑜繼業緣速成鮮堅輒復壞於風雨螭吻摧隳棟瓦毀裂上漏下濕有碍焚修成化庚寅南山道人張復陽嗣徒翁泰亨元吉躬謁百戶沈希哲同嗣千戶沈邦瑞等復命元吉持疏相募四方善信捐以資本不一載殿宇山門兩廡祠

項襄毅公遺棠

十二

三百四正

堂月臺天井方丈聖像儀衛煥然一新瞻仰者罔不欽敬凡本縣街坊市鎮有祈求保禳與夫善事俱詣本院誦經焚祝誠一方之信地也俾繼住者若能體師之心操持信行秉協至公脫有損壞時加修葺則斯院之傳永久而無替矣若漫不經心混同流俗立見隳廢是豈鑄碑立石所望徒子徒孫之意邪今泰亨乃吾之表弟姑述其記以備史氏之錄云

翠筠記

嘉興郡北不半里許有道院一區名曰玄真院之
東有藏修之所瓦屋數楹道衆寓此嘗棲神氣抱
元守中日誦南華夜禮北斗于其內屋前有翠竹
五六十莖本院道友潘公梅月與其徒忻公自然
揭其扁曰翠筠凡鄉之名公鉅卿士大夫及四方
賢人君子多來游息飽玩談笑終日而去不覺清
虛冷澹咸愛弗舍多賦長篇短什吟詠以樂其樂
且又圖畫其形使人展玩不釋一日持卷踵門索
記以詳其事又曰吾本院翠筠之左與華居比鄰

貞襄毅公遺臺

十三

三四八韓

不浹旬茶話杯酌於其間知翠筠之詳者莫有過
於大人先生也請敷演以申其義余聞水陸之物
可愛者甚多如林和靖之於梅陶淵明之於菊周
濂谿之於蓮洛邑人之於牡丹然梅也不能無折
枝之嘆菊也不能無餐英之敗蓮也不見於風霜
搖落之時牡丹也不見于隆冬沍寒之日然君子
之所愛者得非以其隨意之所適興之所感情之
所鍾歟惟竹之為物貫四時而常清凌雪霜而獨
秀亭亭森立挺挺玲瓏散清陰於階除來清風於

戶牖子猷之所愛而謂其不可無此君東坡之所
重而謂其不可居無竹蓋取其道勁而直守正不
回豈特重其憂玉篩金截管協律也邪回視慶牡
丹之類自有不同矣至于端居會坐屏去紛拏啓
戶開窗白雲在空明月在牖斯時也靈臺湛闢冲
襟洒落飄飄然游於物外而不知此身之在人世
其自得之妙難與俗人言也嗟夫高堂廣榭亭臺
池館佳卉繁花香氣芬郁管弦歌舞日相聚而懽
宴此豪侈者之所尚世俗之所趨其自恃以為樂

項襄毅公遺藁

十四

三十四十二篇

矣然徃徃朝榮而夕悴不能少待於斯須之頃其
視翠筠房豈特清濁之相遠哉此可見君子之所
尚不在耳目之娛意趣之適而貴悠久而不變也
余故推本而謂之神僊境界十州三島蓬萊閬苑
即此是矣何必海外廣求渺茫而不可信哉

弘治
元年

南安府同知竹坡施公墓誌銘

嗚呼進階朝列大夫施公之歿而將殯也其子恩
惠憲手持侍御姚公綬之狀踵予門而涕泣拜告
曰先父棄世已請穀菴姚柱史行狀將以是年十

二月丙寅朔越二十九日甲午附葬桃花里先塋
之次預請先生墓誌至期將登石掩土并求題主
為千載子孫之光惟予與公家居里巷相比幼同
進學從師孤苦相類議論趨向靡不相合結契投
分時時互相過從取醪烹茗吟詠為娛辯析上下
古今事與家務各相嗟嘆者十二年已而自解以
為同輩軼散如殘星落落今予與汝到此不可不
知足繼各撫掌大噱而散嗟夫去此幾時孰謂公
遽爾長別也揆諸義難以辭按狀公諱奎字漢章
別號竹坡記垂髫時與予結歲寒取意也嘉興府
秀水縣人系春秋臨濮侯施之常裔始祖廷直從
宋高宗南渡任臨安司理參軍因家於杭二世祖
千之始遷秀水高祖彥銘曾祖仲實見元綱不振
俱隱德弗仕入

項襄毅公遺藁

十五

三十四十五

國朝永樂初祖達因子文振貴封大理寺右評事
父鐸字文振永樂中任河南彰德知府公生自幼
克岐克嶷嶄然見頭角逮長人物豐偉鄉人謂施
彰德有子矣十歲入府學充增廣生聰明穎悟不

煩教督維時嘉興知府齊公政見而異之獨加獎
勵常以詩文難之勞以紙筆屢切訓曰汝父為知
府汝當振家聲無忝爾父可也公雖幼益務學勉
進三場文字已而補廩日夜研精書史與夫百家
諸藝淹貫精熟議論證據古今出入踔勵風發常
屈其座人丁卯以書經領薦浙之鄉榜明年春試
不偶入太學景泰辛未試中乙榜任廬州府陸安
州學正到任後施教夙夜盡心獎勸訓誘而陸安
學者始知自勵賓興科不乏人自公去後數年繼

項襄毅公遺業

十六

三十五三十五

公者不能勤於誨其學者亦玩愒苟且鮮有成效
則學之興廢謂不繫于人可乎所謂師道立而善
人多者如此天順己卯典山東文衡有介鍾吾驛
丞遺公以白金冀其僥倖場屋公辭之亦不語人
言但保此心無媿耳藩臬諸公見公公於去取雅
重推許逮回州本州缺官委公署州事公持廉秉
公一以愛民為本暮月而民愛戴如父母使雷命
得一郡一邑而理民之獲被其惠豈少也哉余重
嘆夫世之理郡邑者豈得皆有才德如公之有惠

于民也歟學正九年秩滿赴天官遠
朝廷簡拔老成碩德者輔導藩府遂陞遼府右
長史公恪恭不怠輔導有方每進對輒引經且以
漢東平王為說王深嘉重之先是本府軍校多
不律肆豪橫軍民被其荼毒多厭苦之公即嚴號
令法律察其首惡為民蠹者痛治之自是好頑斂
跡無敢犯者荊州有郡王十將軍中尉儀賓有二
十六府上自諸王以至儀賓見公之賢待以殊禮
歲癸未以註誤赴部調用親王念以老成舊臣
不忍其去上章保留其略曰自長史施奎到任以
來公勤廉謹輔導有方乞免改除庶幾左右得人
不報遂拜南安之命實成化改元之二年也

項襄毅公遺藁

十七

三十四王

國朝稽古建官有正有副正者總其綱副者輔其
政如殷繁政務則佐貳分理之正官總督之庶綱
紀不紊同知之職同其守也事皆得以專行其位
不為不重也公為人重厚仁愛多恕持身廉謹蒞
政公勤甫下車不浹旬首詢耆老訪民緩急次第
而行寬猛適宜刑威不用專尚德化不渝年人吏

洽和士風丕變三邑軍民仰之如泰山敬之如父母公在任兩蒙藩臬委任織造段疋於南京錢糧不下數萬兩督運北上一切常例咸謝絕之視世之專事乾沒出入無稽者其操守相越不萬一乎逮丁丑歷九載秩滿藩臬考公持身無玷而都人見稱撫字有方而民不忍去其獲乎上之親信又如此戊戌赴銓曹力丐歸老遂獲進階而還公在任而將秩盈也若親王若郡王將軍中尉儀賓與夫郡縣學所軍民官僚致仕監生生員張之勤

頌襄毅公遺藁

十八

二九五三

梅峯鄧德溫作傳以備史錄且曰古之貳守南安者惟公為第一其去任也所屬三縣城內外等都年八九十以上者張遜謙子芳等不啻數百人連名狀告彼處府縣移文來浙問安狀又稱公持身廉謹蒞政公勤革弊除奸愛民若子等語懇希回示以慰黎庶其得人心如此非其德之盛仁之至安能去任數年之後令所蒞之人移文原籍問公安否以圖稍慰之若是耶凡公之述職赴京舟車道里諸費竝各自備一毫不取於民其廉謹多類

此非其義雖一介不妄取非其人雖富貴不與交
接天性孝友恒念祿不逮養言及父母輒涕淚交
頤兄璿歿遺諸孤公撫育一如已出公退之暇課
子姪誦詩讀書澹如也說者以為居官得民雖漢
寇恂之守河內張忠定之守西蜀亦不是過其視
世之傲然於民上鞍轡出入前呼後擁終日醉飽
以嬉視民之疾痛痲癢如秦越不相關甚則爛其
髓剝其骨而不知止使民疾如仇讎罵詈載道相
去又不萬一乎吁又安得如公數百輩普列州郡

項襄毅公遺藁

十九

三四六韓

以利濟也歟或問公何以在處獨得人心如此夫
惟其心之正不為利所誘學術之正不為威所怵
也且又處鄉里遇人不問儒醫僧道貴賤少長卑
躬悅色懇篤誠信出言惟恐傷之一揖垂首幾欲
至膝若忘其家世貴倨是以人無怨尤兼以心地
坦夷物無牴忤人謂公忠厚長者揆古無讓于今
無愧可謂不負齊公年幼期望之意不負鄉邦少
年誦施彰德之有子矣告老之後優游林下幾十
餘年結社吟咏因舊自號環居植竹周益以蓮彈

琴圍棋焚香晏坐雖白公之香山裴公之綠野豈
過是歟平生無玷不忝彰德府君清白傳家之遺
可謂孝子也見今

皇上改元差官天下纂修實錄在處所司必修入
國史予鄉之士人崇入鄉賢祠公論推公如古人
祭鄉先生於社無忝也配梧州府知府同邑諸忠
女弟已具賢母傳子男三長恩郡庠生娶陳氏次
惠邑庠生娶沈氏次憲聘朱氏女三長適常金秀
庠生國子學錄宗冕長子次適名族浦濬次幼許

項襄毅公遺藁

二十

三百八韓

聘予長子經未嫁卒孫男五長椿府庠生次楠次
楷次棟次桐邑庠生恩出二惠出三孫女一府庠
生張辰聘外孫男三女二男二女一常金生也男
一女一浦濬生也公生于永樂庚子十二月十七
日其卒也成化丁未十一月二十八日享年六十
有八於是銘曰德以弘量學以富文勤以竭職仁
以救焚訓迪生徒禹侃惜分輔導藩王堯舜其君
隨其所寓人每尊親晚年勇退屏居竹林至今南
安甘棠有云勤慎䟽通操守無玷首入名宦郡誌

以存今其長逝附葬先墳子孫永保克紹家聲纂
誌入社久愜所聞偉哉鄉邦拔萃超羣過者試瞻
景星慶雲

祭竹坡施公文

嗚呼以翹楚之資簪纓之胄發身科第歷職清華
筮仕州庠以詩書而啓後學繼遷藩府以道德而
輔皇儲貳守南安令行禁止使車所至輒著能
聲承恩休致方歸老於林泉邁疾彌留竟返魂於
旦夕忠以衰朽托交有年別不踰時遽成永訣恍
音容之儼若忽涕泗以連沍聊陳薄奠用表寸誠
靈其不昧庶幾鑒之

永一府君像贊

容貌端嚴宅心平易恤困賑貧人感其義表率鄉
邦隱德弗媚如良玉在匱蓋蓄焉而弗售若寶劍
含精將試之無不利篤生六子孫衍百系雖有顯
榮追封未至景仰遺澤肅恭敬事而今而後為子
孫者當時思展祭豈可俾有遺棄耶

項襄毅公遺藁

二十一

二七十四王

寓襄陽戒子弟書

書與弟質文男經綬姪綱紀近四月十一日得經書知京中家小擇三月十八日起程回籍所憂路上艱辛又慮家中不勾養贍吾賴祖宗積德在仕途三十餘年鄉里親戚孰不曰居大官處要地子姪榮貴世所難及豈知寵與畏兼福芳禍倚脫使宅心不端行事不法殖賄賂私妻子則得罪

朝廷祖宗遺笑鄉里親戚其何以立身天地間乎吾初做主事時外無應門之童內無擔石之蓄惟祖遺冠子銀飾八兩金飾二兩不敢毀廢相傳長

項襄毅公遺橐

二二

三十四十五

子銀鐺十二兩衣服三四襲皆於口外廢用舊房門面三間墳塋二所續置城內房屋二處人但知所置而不知辛勤三十年始克有此假如父墳前空地輦首飾三十餘件田十畝用長女銀釧一副使有餘貲甯如是乎今官二品俸若稍厚使妻子弟姪惟好奢侈不知勤儉豈能久而不廢以近事諭之巡撫都御史楊公璿無錫人攜二妾在襄三年其大者病卒次回籍時以首飾并業薪銀一百兩輦糴米豆壓船後所糴價正妻嫡子皆不利其

所有事聞 襄王稱言楊家大小曉事襄人翰林
檢討張寬隨我軍前行事甚作威福凌有司傲鄉
里薄親戚逐同母之弟其人起程之後墳內明堂
就被焚毀四川都御史李實

朝廷取用過襄金銀六百餘兩寇劫一空又中途
詔止不用見吾淚下因以同年之故與李總兵資
助起程不勝感慨吾二十三年前曾陷虜地以後
奉

勅巡撫南征北伐不知妻子弟姪念及否乎近至

頌襄毅公遺臺

二二 三〇五

南陽聞李學士公賢故父存日恐學士位高如于
少保之難累及子孫即令四子與學士異居各獲
善終人以為有識吾今居官自揣臨民蒞政問刑
行軍未嘗行一利已害民入罪殺人之事亦未嘗
設心貪圖官吏軍民毫釐財物天地神明昭布森
列料無遺累子孫之理但今年邁鬚白患痔漸無
精神遙聞

朝廷又差吾陝西總督殺達子人臣盡忠報國不
當避難然亦安知將來榮辱何如書曰弗畏入畏

此之謂也爾等趁此造冊之年且各立戶籍倘吾
遇禍止及一已分析之後宜以勤儉立家以仁義
行事不要損人利己不要孳孳為利不要出入官
府不要貪大富縱大富死時亦將不去惟養蠶種
田本分營生乃可悠久耳萬里之囑惟此數字幸
相與圖之

析產書

予居官迄今五十餘年累遭患難危險後被權奸
排陷幾至毀身滅性喪亡基業賴天地神明祖宗

項襄毅公遺稟

二四 二九

福佑保全身家克至今日除紀行集備載立身行
已大約永遺子孫悉棄不看外有草寫遺囑並無
資財等物想亦置之度外今幸未至大故神思未
昏精神尚在分析各自警慎莫以余之老邁爭多
嫌少以尊凌卑不能負荷貽笑外聞將俾基業自
我喪已也追思父無分文祖有遺書積德深厚使
子孫以父母之心為心保守有為吾無遺恨含笑
於九泉之下矣

予少也貧苦學勵行遂登第補官已已扈
駕陷虜中不屈乘間南奔凡七晝夜達宣府足盡
刺蒺藜不自覺後駮歷中外頗効微功但愚性過
直權奸妬之幾陷不測賴

聖明得歸骸骨及事白則又復秩進階

列聖之恩稠疊優渥予老不能報矣尚當圖之子
孫但出處偃蹇祿入之餘無長物舊居盡廢於叔
瑄琮而新居亦以讓弟質文晚年作室瓶山僅立
門戶男經孫鏞取次充拓蓋歷三世而始就緒不

項襄毅公遺藁

二五

三才州七下

亦難乎予妻鮑夫人能相以勤儉買田且六百畝
經以下諸男俱出分別業然豈不欲子孫敦同居
之義哉恐有不肖者出焉蹈瑄琮覆轍或起爭端
則晚矣嗟予履歷之艱積累之勤處分之密如此
使後人不知所監其得為孝子順孫也哉必觀予
幼學之苦則勉講習觀予當官之勤則修職業觀
予遭讒落職則存謹畏觀予復蔭之榮則操清介
毋嗜飲毋博奕毋游戲毋侈肆毋健訟毋贖貨毋
通俠客父慈而誨子孝而賢兄弟順而義夫婦和

而別宗族戚黨睦而有禮臧獲恕而不縱賦役以時奉法惟謹他日使人稱之曰項氏有後則予復何憾

壽日訓後

我賴祖宗積德至大官且叨世祿子孫怙侈滅義者必不能無故此預戒凡孝弟忠信禮義廉恥等事我平日訓教之詳况有聖賢成訓不必再言矣今後子孫襲爵者當謹守禮法以保其後傳業者當制節謹度以保其家富者不可恃富驕奢貧者不可因貧泛濫取與要明白恩義要保全鄰里要和睦交游要慎擇兄弟不可因小而爭訟爭訟則破家矣親戚不可因貿易而交財交財則義絕矣御僮僕恩威兼施處佃戶當恤其匱乏錢糧要早完徭役要早辦夫婦妾婢之間須要處置得宜勿令爭妬有子有孫者不教之讀即教之耕勿令懈怠荒寧以啓墮家之端謹內外之別勤賊盜之防

項襄毅公遺藁

二六

三五五 五

其他細微曲折別有規條嗚呼言之非艱行之惟艱惟我子孫尚師聽之

庶祖母沈節婦像贊

事我先祖極勞盡誠居孀三紀玉潔冰清撫愛嫡庶一本衷情治家勤儉恐墜家聲任塗跋涉艱苦

屢更無以報德彰表儀刑天順五年三月撰

吏部尚書姚文敏公像贊諱夔正統壬戌會元鳳州桐廬人

德望文章士林魁首也訂謨功業儒臣領袖也後

學仰瞻泰山北斗也舉朝悲悼梁摧棟仆也嗟

夫孰儲其禎光嶽之精孰奪其齡順受之貞見知

聖主終始哀榮九原不作國無倚衛

項襄毅公遺囑

又二六

遺囑

八十翁看少子孩西山日暮更堪哀爾曹須念連枝樹都是前人手自栽

詩

五言古

假山靜坐

無事此靜坐一日勝兩日若活七十年便是百四
十右纂東坡詩於人深有益非但口免羞又得身
安逸願我子與孫莫斯頻宴席客至啜茗餘栽冠
講書籍憇久戒晏思挹翠翫竒石治家尚儉勤處
已先崇德首要謹言行次迺擇所術顧諟能力行
庶可保家室脫或務驕奢傾廢在旦夕

項襄毅公遺藁

二十七

二九七十五

七言古

賀張孟與八表

公藝雲仍山澤癯勤儉澹泊崇文儒年登八十有
五六耳聰目明顏如朱令子拳拳盡孝道夜夢南
山協昭報至誠感神神不欺古有明徵非妄躁適
逢華誕集冠裳扁名壽椿揭畫堂蘭孫滿前稱慶
後靈椿忽報庭中央靈椿靈椿有所自不比桑榆
易枯瘁世上高年雖亦多獨有張公壽堪擬枝枝
葉葉秀且竒盤根已寓凌雲姿他年老榦參天起

飽歷風霜世不移一門和氣熏蒸聚天地儲祥誠
罕遇不資糞壤種植功屯雲浥露神明護天上魁
星應壽星椿齡纔始遂發生自今甲子從頭數銅
狄蟠桃浪得名

五言律

韶州嶺南道梅花

一種羅浮樹花開滿憲臺暗香風外落踈影月中
來自擬冰霜操真為草木魁愧無東閣興清賞幾

徘徊

項襄毅公遺藁

出清遠峽野望

行盡水中路蒼茫見遠天平林明旭日飛鳥入寒
烟綠樹江頭驛黃茅郭外田孤懷無限思望斷白
雲邊

巡河源有感

巡歷河源境攢峯入碧空樹交疑路阻水遠與天
通麋鹿含芝草猿猴嘯晚風悶來無適興聊且醉
鄆筒

連雲棧回賦

近歷連雲棧方知蜀道難
野花如錦障古木似龍
蟠峯轉疑無路泉聲類
有灘村童不知我驚走
隔籬看

其二

侵曉度雞頭攢峯似戟
矛羶車思鄧艾鼎峙屬
炎劉日月厓邊過雲嵐
石上收幾番回北望瑞
氣滿秦州

和韓都憲

拜捧除書日嚴程為挽
留省躬恒在念安分敢
何

項襄毅公遺藁

二九

三百廿五

求雞報秦關曉蟬鳴隴
樹秋每懷韓魏國特進
立螭頭

七言律

靈光寺

荊棘蕭條梵宇寒
藉君捐帑復莊嚴
紺園兩過琪花潤
碧殿雲間寶樹妍
高閣夜聞禪衲頌
蠡湖時傍隱君船
已知福慶原無盡
留取餘光裕後賢

夜泊本覺登三過堂感賦

春波移舟樵李亭
松杉深處漏踈星
酒曾為客驅

愁陣詩不於人損性靈有鉢尚餘香積飯無人重
續煮茶經料知明發雞聲裏何待晨鍾喚夢醒

題松月軒

長松霽月共清標咸仰仙林蔭市曹矯矯虬枝千
尺老蛸蛸兔兔一輪高蒼龍影繞侔三島白鶴聲
聞遍九皋林下道人丹已就閒從王母覓蟠桃

同支中夫施漢章遊白蓮真如即事

白蓮別後幾經秋今日重過境界幽花木叢深禽
鳥聚雲林寂靜縉紳遊雙谿杯渡心澂徹層閣梯

項襄毅公遺臺

三十

王

其二

聞說高僧重士夫扁舟忌險涉西湖菱荷貼水香
浮細松竹當窓影轉踈法雨普施今有驗天花落
墜古應無二三知己忘形飲醉舞高歌學大雩

重遊觀音山佛閣

越王山上雨初晴梵徑塵空倍覺清草樹纔經春
色動峯巒高對夕陽明別來猿鶴都無恙重到烟
霞亦有情更喜老僧初定起焚香煮茗話浮生

隴上

得趣幽幽隴上雲夢回巢許欲同羣茅亭外送春
犁遠稼圃中虞歲事慙軒冕頓忘依 帝澤兒孫
惟語勸農文仰資俯育應饒裕擊壤令人感惰勤

五言古

靜坐讀詩有感遺誨子孫

無事此靜坐一日勝兩日若活六十年便是百二
十我味東坡詩靜坐本無益惟靜能深思思深斯
有得古訓戒荒寧姬旦陳無逸人世厚生圖須應

項襄毅公遺稟

又三十

事耕織讀書業又高萬伎那能匹出可爲卿相處
可爲高佚賦稟每難齊施教隨其質儉約治家方
弗尚綺羅席謙謹律身謀誇大招憎嫉小人常豫
防君子宜親炙我本凡庸才遭逢全盛日 寵命
錫崇階品與三公敵祖父沐榮封子孫蒙世襲
君恩似海深報稱無纖力遺產雖未多頗可供衣
食爾能遵我言世世成全德設或墮荒淫傾覆在
昕夕勉哉子與孫此意當尋繹

七言律

登華山有感

西嶽稜稜翠作堆，登臨冠蓋共追陪。
蒼海白帝高居接，上台雲雨四時滋。
古毓英才希夷脫，履誰能繼石室空遺長綠苔。

送姜憲副

解綬歸休葺舊廬，買栽松菊徧階除。
教讀軒冕忘情任，毀譽清草地塘新。
得句綵雲臺閣舊，曾居莫言疏傳黃金盡。
善積應知慶有餘。

輓施竹坡

項襄毅公遺藁

二二

二二七七五

步雲坊下失耆英，繪畫仙靈想至情。
雅席經書同講席，競誇頭角盡崢嶸。
金章紫綬君歸葬，玉酒黃花我醉醒。
九日登高重會賞，龍山無伴淚沾纓。

輓樂僉憲母

夢入瑤池路，渺漫粧臺塵。
掩鏡光寒相，夫誰舉齊眉。
案教子空遺，和膽丸南澗。
日長思采藻，北堂月落痛分鸞。
母儀婦道都無愧，太史銘文百世看。

輓朱處士孟寬

韜晦鄉莊遠，利名忍聞哀。
訃士林驚窓前，碁局終

朝靜谿上漁舟盡日橫
夜雨孤燈存舊榻
寒霜宿草翳佳城
傳家有子知詩禮
墓碣應鐫太史銘

五言絕句

冬至感懷

冬至一陽復
乾坤物象亨
因思消長理
感嘆愧吾生

見洮河常流賦

天地自晦朔
水流無古今
英雄一場夢
對酒且長吟

項襄毅公遺藁

七言絕句

觀韶州圖經

郡邑民居幾廢興
山川不改舊時名
却憐文獻歸來後
天寶無人致太平

舟行懷德濟同年

江流渺渺到滄海
山勢迢迢入遠空
落日蒹葭鷓鴣叫
故人何處倚孤蓬

對月

碧天如水月華寒
影到梅花轉畫闌
寂寞客窓清

不寐遙憐慈母倚門看

夜泊感懷

兼葭蕭瑟露華清
淡月籠沙淺水平
今夜不知廊廟上
何人有夢到蒼生

題宋徽宗碧桃鷓鴣

五國城邊掩淚時
汴梁宮闕了無遺
爭如鷓鴣知春意
猶占東風第一枝

題菜

世間萬事皆當做
只為人心自不堅
若把菜根常

項襄毅公遺藁

三三

三五韓

咬得經綸燮理有誰先

送春次韻

間關黃鳥樹頭啼
似惜殘紅點客衣
愧我不知春已暮
緩尋芳草踏青歸

子陵圖次韻

畫船曾泊子陵灘
剪剪狂風撲面寒
今日披圖思往事
功名爭似釣魚竿

寄俞太守

煖絲無力蕩晴光
燕語鶯啼百草香
遮莫軍機亂

情思也隨風景樂他鄉

和侯康節韻

三徑柴門久不開
幾時拂袖故鄉回
浮名識破真同夢
堪笑劉郎去再來

戒子孫

囑我子孫須儉德
更須讓義莫爭財
尚書盡道多餘積
天地神明實鑒哉

戒冢孫

舊茅相傳嫡嗣承
休教風雨易飄零
後人端為前

項襄毅公遺藁

人守分付諸孫莫浪爭

戒宗族

同氣連枝共一根
大家勉勵守宗門
須看驕惰荒
亡者巨室今無片瓦存

釋褐赴宴

晴光初照黃金殿
晷影潛移白玉塔
要盡赤心扶
聖主謾看葵藿向陽開

項襄毅公遺藁終

六世孫皋謨

校刊

